

正學

資治通鑑續編卷之九

徽宗皇帝

諱佖神宗第十一子

五年	寇虜	金人	姦邪	之	幫源	州民	盜賊	性	多	窮	多	技	藝	不	修	國	政	大
于	北	所	與	復	洞	方	乘	上	極	而	起	宣	和	二	變	民	怨	
五	行	欺	金	不	借	臘	機	木	以	妖	術	誘	衆	反	年	睦		
國	至	康	約	屏	改	元	後	雖	改	元	後	雖	討	於				
城	紹	二	滅	棄	忠	正	信	任										
	興	年	遼	帝	尋	為												
		大	舉	入														

在位二十六年 壽五十五

流星燭
地赤黑
白三氣
之異

辛巳

建中靖國元年

遼天祚帝延禧乾
統元年○夏永安

年三春正月朔流星自西南入尾抵距星
其光燭地是夕有赤氣起東北巨西方
中出白氣二將散復有黑氣在傍任伯
兩言建寅之月其卦為泰年方改元時
方益春而赤氣起於暮夜之幽以一日
言之日為陽夜為陰以四方言之東南
為陽西北為陰從五色推之赤為陽黑
白為陰從事推之朝廷為陽宮禁為陰

向太后
崩

范純仁
卒

君上為陽臣下為陰君子為陽小人為
陰德為陽兵為陰此宮禁陰謀下干上
之證也散而為白而白主兵此小人竊
發之證也願陛下以災異為警戒不可
不深思遠慮○皇太后向氏崩○觀文
殿大學士范純仁卒于鄧遺表勸帝清
心寡欲約已便民達孝道於精微擴仁
心於廣遠深絕朋黨之論詳察邪正之
歸又言若宣仁之誣謗未明致保佑之

憂勤不顯本權臣務快其私忿非泰陵實謂之當然卒年七十五帝聞訃痛悼賜其墓碑曰世濟忠直謚忠宣○遼主

洪其卒孫燕國王延禧立遼主卒于混同江之行宮

年七十遺詔立孫延禧是為天祚二月詔改元詔為耶律伊遜所誣陷者復其官爵籍沒者出之流放者還之以張孝傑家屬分賜於群臣

史臣曰遼道宗即位之初求直言訪

治道勸農興學救菑卹患粲然可觀既而行謗訕之令重告訐之賞群邪

任伯雨
文章悖
竄之

並興讒巧競進賊及骨肉諸部多叛甲兵之用無寧日焉一歲而飯僧三十六萬一日而祝髮三千尚足與論治道哉

○二月貶章惇為雷州司戶參軍先是右正言任伯雨論惇久竊朝柄迷國罔上毒流縉紳乘先帝變故倉卒輒逞異志睥睨萬乘不復有臣子之恭向使其計得行將寘陛下與皇太后於何地若

貸而不誅。則天下大義不明。大法不立。矣。章八上未報。會臺諫陳瓘陳次升等復極論之。遂貶雷州。初蘇轍謫雷州。不許占官舍。遂僦即就反民屋。惇又以強奪民居。下州追民究治。以僦券甚明。乃止。至是惇問舍于民。民曰。前蘇公來。為章丞相幾破我家。今不可也。後徙睦州卒。○三月。罷權給事中。任伯雨。初伯雨為右正言。半歲之間。凡上百八疏。曾布

罷任伯雨

畏其多言。俾權給事中。密諭以少默。即為真。伯雨論益力。時布欲和調。元祐紹聖之人。伯雨言。自古未有君子小人雜然並進。可以致治者。蓋君子易退。小人難退。二者並用。終於君子盡去。小人獨留。唐德宗坐此致播遷之禍。建中乃其紀號。不可以不戒。既而欲劾布。布覺之。徙度支。負外。○以趙懷德知湟州。○夏。四月辛卯朔。日有食之。○五月。葬欽聖憲。

肅皇后○作觀成殿于景靈宮奉安哲宗神御

○六月。范純禮罷純禮剛正。數以言事忤帝意。曾布憚之。出

知穎昌府○秋。七月。安燾罷○罷左司諫江

公望○以蔣之奇知樞密院事。章綵音節

同知院事。陸佃為尚書右丞○冬。十月。

李清臣免○罷權給事中陳瓘曾布忌之。出知

秦州○遼主追尊其考妣為帝后尊其考昭懷太

子濬。為大孝順聖皇帝。廟號順宗。妣蕭氏。曰貞順皇后。尋誅伊遜黨。徒其子孫

於邊。殺伊遜德勒台之墓。剖棺戮屍。以其家屬分賜被殺害之家○十

罷陳瓘

復用蔡京

一月。以陸佃。溫益。為尚書左右丞○復

召蔡京為翰林學士承旨。先是供奉官

童貫。性巧媚。善策人主微意。先事順承。

以故得幸。及詣三吳訪書畫奇巧。留杭

月餘。蔡京與之游。不舍晝夜。貫附語言

論奏。由是帝屬意用京。左階道錄徐知

常。以符水出入元符皇后所。大學博士

范致虛與之厚。因薦京才可相。知常入

宮言之。由是宮妾宦官。衆口一詞譽京。

詔改元

會韓忠彥與曾布交惡布謀引京自助故有是命○以西蕃賒羅撒為邈川首

領賒羅撒隴弟○詔改明年元為崇寧○

鄧洵武獻愛莫助圖詔以為中書舍人

給事中兼侍講洵武言必欲繼志述事非蔡京不可按其圖如

史記年表列旁行七重自宰相執政侍從臺諫郎官館閣學校各為一重左曰

元豐助紹述者執政唯溫益一人餘不過三四右曰元祐舉朝百執事咸在

帝以圖示曾布曰洵武言非相蔡京不可以與卿不同布曰洵武既與臣見

異臣安敢豫議明日改付溫益益欣然請相京而籍異論者於是善人皆不見容而帝決意相京矣

壬午崇寧元年遼乾統二年夏貞觀元年春二月

追封伯魚子思

以蔡確配享哲宗廟庭○追封孔鯉為

泗水侯孔伋為沂水侯○三月詔宦者

童貫製御器于杭州○夏五月韓忠彥

罷○復追貶元祐黨籍司馬光等四十

四人官○詔籍元祐元符及今黨人不

復追貶
元祐黨
人

得與在京差遣○內侍請以金飾宮宇。
詔黜之○陸佃罷以與曾不協○以許將温
益為門下中書侍郎。蔡京趙挺之為尚
書左右丞○六月。詔修神宗所定官制
○追封商逸民伯夷為清惠侯。叔齊為
仁惠侯○閏月。曾布免。初布與蔡京素
有隙。議事多不合。會布擬壻父陳佑甫
為戶部侍郎。京言布私其所親。布忿怒
爭辯久之。聲色俱厲。帝不悅。遂出知潤

曾布罷

蔡京相

州○安置知越州鄒浩于永州○秋。七
月。詔內外官並以三年成任○以蔡京
為尚書右僕射○焚元祐法○詔置講
議司於都省。命蔡京提舉○章棻罷
○復罷春秋博士○八月。初置安濟坊
于郡縣。養民之貧病者○詔天下興學
貢士○作辟雍○詔司馬光等二十一
人子弟毋得官京師○以趙挺之張商
英為尚書左右丞○九月初置居養院

於京師。以處鰥寡孤獨者。○詔中書籍

元符三年日食。上書人為正邪。黜陟有

差。初。元符末日食。求直言者。多及熙寧

紹聖之政。至是。蔡京與其黨葉夢得。

強浚明。強淵明等議。請下詔籍其章疏。

於是鍾世美以下四十一人為正等。悉

加旌擢。范柔中以下五百四

十一人為邪等。降責有差。○治議復元

祐皇后者。貶元符宰執韓忠彥。曾布。李

清臣。黃履官。安置侍從臺諫曾肇。豐稷。

陳瓘。龔夬等十七人于遠州。以馮澥為

鴻臚寺主簿。時內侍郝隨諷蔡京再廢

孟后。會昌州判官馮澥上書言先帝既

終。則后無單立之義。稽之逆順。陛下無

立嫂之禮。要之終始。皇太后亦不得伸

慈婦之恩。於是侍御史錢適。殿中侍御

史石豫。左膚等。乞治元符末大臣等。○

蔡京籍元祐及元符末宰執司馬光等

侍從蘇軾等。文臣程頤等。武臣王獻可

等。官者張士良等百二十人為姦黨。請

帝書之。遂刻石于端禮門。○冬十月。蔣

治議復孟后者

籍群賢為姦黨刻石于門

復廢孟
后出居

之奇罷○詔責降人不得同州居住○
復廢元祐皇后為仙師。出居瑤華宮。從
御史中丞錢適。殿中侍御史石豫。左膚
及蔡京等論之也○罷元符臣僚劉奉
世等二十七人祠祿○以蔡卞知樞密
院事○**遼**蕭哈里叛入于阿克展部。生女
直部節度使英格誅之。先是哈里遣阿
克展部族人額達埒約同舉兵。英格執之
會**遼**主命英格討哈里。英格募兵得千

女直輕
遼兵

餘人。兄子阿古達曰。有此甲兵。何事不
可圖也。遂次混同水。蓋先是女直甲兵
未嘗滿千也。時**遼**兵追哈里者數千而
不能克。英格曰。退爾軍。我當獨取海里。
遼將許之。阿古達策馬而進。哈里中流
矢墮馬。執而殺之。大破其黨。函哈里首
以獻**遼**主大喜。錫予加等。英格自是知
遼兵之易與。益自肆矣○十二月。議復
湟州。貶元符宰執韓忠彥。曾布。安燾。范

純禮。蔣之奇等官。○追謚哲宗子鄧王茂為獻愍太子。○詔元祐學術政事。並勿施用。○沅州徭入寇。

癸未 二年 遼乾統三年夏貞觀二年 ○春正月安置

安置元符臺諫

知越州鄒浩于昭州。○安置元符末臺諫官任伯雨等十二人于遠州。十二人謂陳瓘

任伯雨。龔夫。陳次升。陳師錫。陳祐。江公望。常安民。張舜民。馬洵。豐稷。張庭堅。時蔡京。蔡卞。怨元符末臺諫論已陷以黨事 ○知荆南府舒亶

平沅州徭。取誠徽州。○温益卒。益仕宦

從微至顯。無片善可紀。狡譎傳會而已

○以蔡京為尚書左僕射。○二月。尊元符皇后劉氏為皇太后。○更權茶法。○

置諸路茶場。○三月。詔黨人子弟毋得擅到闕下。○策進士于集英殿。○夏。四

月。詔毀范祖禹唐鑑。蘇洵。蘇軾。蘇轍。黃庭堅。秦觀文集。○以趙挺之為中書侍

郎。張商英。吳居厚為尚書左右丞。安惇同知樞密院事。○除直秘閣致仕程頤

詔毀唐鑑蘇黃文集

名。願自涪徙峽。復直秘閣。言者希蔡京意。論其學術頗僻。素行譎誕。專以詭異聳瞽愚俗。乃毀願出身文字。其所著書。令監司嚴加覺察。范致虛乞下河南。盡逐學徒。○詔內侍童貫監洮西軍。六月。貫及王厚復。湟州。○秋。七月。詔元符末。上書進士。見充三舍生者。罷歸。○詔自今。戚里宗屬。勿得為執政官。○詔責降人子弟。毋得任在京差遣。○八月。論棄

論棄湟州罪

湟州罪。貶韓忠彥。安燾。范純禮。蔣之奇等官。○大蝗。詔有司。酺祭。○張商英罷

與蔡京不合。數詆京。逢君。罷知亳州。○九月。詔元符上書

邪等人。並與外祠。○置醫學。○詔建崇

寧寺于諸郡。○始正吏部選人階官。○

頒蔡京所書元祐姦黨碑。刻石于州縣。

令監司長吏廳。皆刻石。有長安石工安

民當鐫字。辭曰。民愚人。固不知立碑之

意。但如司馬相公者。海內稱其正直。今

石工不
忍刻元
祐碑

謂之姦邪。民不忍刻也。府官怒欲加之。罪民泣曰。被役不敢辭。乞免鑄安民二字于石末。恐得罪後世。聞者愧之。○高麗使人如生女直部。○冬十月。遼生女直部節度使英格卒。兄子烏雅舒嗣。阿庫納以來。兩世四人。志業相因。卒定離析。一切治以本部法令。英格又用阿古達之請。令諸屬部不得擅置信牌。馳驛訊事。由是號令始一。遂闢土東南至于乙離骨曷懶耶懶土骨論東。○詔禁以北至于五國主隈秃峇矣。

元祐學術政事授業者。○遼主謁太廟

○遼以宋魏國王和羅噶為太叔。徙鄭

王淳為越王。和羅噶。興宗之子也。淳。字澧里。和羅噶之子。○遼

主召監修國史耶律儼纂諸帝實錄。○

更鹽鈔法。○纂府銅融州邵州蠻內附

甲申三年。遼乾統四年。夏貞觀三年。春正月。詔元

符上書邪等人。毋得至京師。○鑄當十

大錢。○以蔡攸為秘書郎。攸。京長子。○鑄九

鼎用魏漢津言也。○二月。令天下

坑冶金銀悉輸內藏。○三月。置文

鑄九鼎

繡院○高麗侵生女直部○夏四月。王厚復鄴州○罷講議司○五月。更知開封府為牧尹○改六曹名○王厚復廓州。加蔡京守司空。封嘉國公○置京西北路交子所○六月。圖熙寧元豐功臣於顯謨閣○賜辟雍殿名曰大成。以荆國公王安石配享孔子。位次孟軻○增諸州學未立者○置書畫筭學○重定元祐元符黨人刻石于朝堂。通三百九

以安石
配孔子

人○詔內外官毋得越職言事○秋七月。行方田法○八月。許將免○九月。以趙挺之。吳居厚。為門下中書侍郎。張康國。鄧洵武。為尚書左右丞○以胡師文為戶部侍郎○詔諸州學別置齋以養材武之士○冬十月。夏人寇涇原。遂會西蕃圍宣威城。執知鄴州高永年殺之。貶王厚為郢州團練使○十一月。帝臨太學。帝臨辟雍○詔專取士于學校。罷

復封孔子後為衍聖公

科舉法○十二月升通遠軍為鞏州○

復封孔子後奉聖公端友為衍聖公○

是歲大蝗○王祖道言黎洞王古蠻楊

晟免等內附○安惇卒

乙酉四年遼乾統五年夏貞觀四年春正月築溪

哥城○立武學試藝法○邦潘疊三州

蕃落來歸○蔡卞罷卞處心傾邪一意以婦翁王安石所

行為至當以兄京晚達而位在上致已不得相故二府政事時有不合至是京將用童貫為制置使卞言不宜用宦者必誤邊計京於帝前詆卞卞求去出知

南河○以內侍童貫為熙河蘭湟秦鳳路

經略安撫制置使○二月築御謀城○

以張康國知樞密院事劉逵同知院事○

何執中為尚書左丞○閏月令州縣倣

尚書六曹分六案○鑄夾錫鐵錢○趙

懷德來降以為感德軍節度使封安化

郡王○三月以趙挺之為尚書右僕射

○詔建王古砮為懷遠軍○復銀州○

牂牁夜郎首領以其地內附○夏人寇

州縣分六曹案

塞門○**遼**歸女于夏夏主連歲請昏。遼以其族女南仙為

成安公○置議禮局于尚書省○罷左

主嫁之○司諫黃葆光蔡京怒其異已○夏四月**遼**使蕭

良來為夏人求還兵○**夏**人寇臨宗順寧

砦及湟州。劉延慶辛叔獻等敗之○五

月除黨人父兄弟之禁○林攄如**遼**

聘報○賜信州龍虎山道士張繼元號虛

靖先生○六月趙挺之罷○大蝗蔽日

○秋七月置四輔郡○還上書流人○

大蝗蔽日

八月置提舉溪峒司○改懷遠軍為平

州○定鼎于九成宮○大晟樂成帝受

賀于大慶殿○九月以九鼎成受賀于

大慶殿賜方士魏漢津號嘉成侯作寶

成宮○詔徙元祐黨人于近地○冬十

一月安定郡王世雄卒○林攄還自**遼**

有罪貶知潁州攄之使遼也。蔡京使其

不遜。遼人大怒。絕其煙火。三日。遼人來言失禮。遂貶。○以朱勔領

應奉局及花石綱于蘇州初蔡京過蘇

以朱勔領花石綱事

州欲建僧寺閣。會費鉅萬。僧言必欲集此緣。非郡人朱冲不可。京即召冲語之。居數日。冲請京詣寺度地。至則大木數千章積庭下。京器其能。踰年。京召還朝。遂挾冲子勔與俱。竄姓名于童貫軍籍中。皆得官。帝頗垂意花石。京諷冲密取浙中珍異以進。初致黃楊三本。帝嘉之。後歲歲增加貢五六品。至是漸盛。舳舻相銜於淮汴。號花石綱。置應奉局於蘇

州。命勔總其事。勔指取內帑如囊中物。每取以數十百萬計。於是搜巖剔藪。幽隱不置。凡士庶之家一石一木稍堪翫者。即領健卒直入其家。用黃帕覆之。加封識焉。指為御前之物。未即取。使護視之。微不謹。即被以大不恭罪。及發行。必撤屋抉墻以出。人不幸有一物小異。共指為不祥。惟恐芟夷之不速。民預是役者。中家破產。或賣子女以供其須。斲

反山輦石。程督慘刻。雖在江湖不測之淵。百計取之。必得乃止。至截諸道糧餉。網旁羅商船。揭所貢暴其上。篙工柁師倚勢貪橫。凌轢州縣。道路以目相視。○詔以陶節夫經制環慶涇原河東事。○詔分平州為允格二州。知桂州王祖道言。黎人為患六十年。○高麗王顥卒。子侯嗣。今願為王民。得地千五百里。○春正月。有星孛于西方。長竟天。○以吳居厚劉達為

丙戌

五年

遼乾統六年。夏貞觀五年。

春正月。有星

星變毀元祐黨人碑

門下中書侍郎。○以鄭居中同知樞密院事。尋罷。○詔求直言。毀元祐黨人碑。復謫者仕籍。帝以星變。避殿損膳。劉達請帝碎元祐黨碑。寬上書邪籍之禁。帝從之。夜半遣黃門毀石刻。翌日蔡京見之。厲聲曰。石可毀。名不可滅也。○太白晝見。赦除黨人一切之禁。權罷方田。○罷諸州歲貢供奉物。○詔崇寧以來左降者。各以存沒稍復其官。盡還諸徙者。

相 蔡京免

○二月。蔡京有罪免。京懷姦植黨。威福在其手中。託紹述之名。紛更法制。貶斥群賢。增修財利之政。務以侈靡惑人主。動以周官惟王不會為說。每及前朝惜財省費者。必以為陋。至於土木營造。率欲度前規而侈後觀。時天下乂平。吏員冗濫。節度使至八十餘員。留後觀察。下及遙郡刺史。多至數千員。學士待制。中外百五十員。京因覩帑藏盈溢。遂倡為

京倡豐亨豫大之說

豐亨豫大之說。視官爵財物如糞土。累朝所儲掃地矣。及彗星見。帝悟其姦。凡所建置。一切罷之。而免京為中太一宮使。○以趙挺之為尚書右僕射。初。挺之首興邊事。用兵累年。至是帝臨朝。語大臣曰。朝廷不可與四夷生隙。隙一開。禍擎不解。兵民肝腦塗地。豈人主愛民恤物意哉。挺之退。謂同列曰。上志在息兵。吾曹所宜將順。○三月。罷求直言。○以

世福為安定郡王

世福。燕懿王德昭曾孫。

○廢銀

州為銀川城○許夏人平○夏五月行

紀元歷劉昂所造也○秋七月庚寅朔日當

食不虧○冬十二月劉達罷時蔡京令

其黨進言于帝曰京之改法度皆稟上

旨非私為之今一切皆罷恐非紹述之

意帝惑其說復有用京之意然群臣未

有覺之者鄭居中往來鄭妃父客鄭紳

所知之即入見言陛下建學校興禮樂

劉達罷

以藻飾太平置居養安濟院以周拯窮
困何所逆天而致威譴乎帝悅於是京
黨御史余深石公弼論達專恣出知毫
州○得鎮國寶有以玉印六寸龜紐獻者文曰承天福延萬億
永無極詔名鎮國寶○黎洞蠻韋晏闌等內附詔
復以其地為地文蘭邠州

丁亥大觀元年遼乾統七年夏貞觀六年春正月

相蔡京復

以蔡京為尚書左僕射○吳居厚罷以
何執中為中書侍郎鄧洵武梁子美為

葉夢得
阿黨蔡
京

尚書左右丞○二月復行方田○三月趙挺之罷○以何執中鄧洵武為門下中書侍郎梁子美朱諤為尚書左右丞○以蔡攸為龍圖閣學士兼侍讀○立八行取士科八行謂孝友睦姻姪恤忠和也凡有此八行即免試○補太學上舍○以葉夢得為起居郎夢得附蔡京得為祠部員外郎京罷相趙挺之更其所行及京再相復反前政夢得入對因曰陛下前日所建立者出於陛下

乎出於大臣乎豈可以大臣進退而有所更張也帝悅故有是命○夏五月以蔡薺為給事中○鄧洵武免時妖人張懷素謀反朝士多株連者而洵武與其黨連昏坐免鄧氏自綰以來世濟其姦而洵武阿二蔡尤力○頒大晟樂于天下○詔自今諸路監司勿任元祐學術者○六月以梁子美為中書侍郎○以黎洞地為庭寧州○朱諤卒○秋八月

以徐處仁為尚書右丞。林摠同知樞密院事。○九月。貶侍御史沈疇。監信州酒稅。竄御史蕭服于處州。時蔡京怨劉達。會蘇州盜鑄錢獄起。京欲陷達。婦兄章。縱兄弟。遣開封尹李孝壽鞫之。株連者千餘人。強抑使承死者甚衆。京猶以為緩。遣侍御史沈疇。御史蕭服往代。疇至蘇。即日決釋無左驗者七百。歎曰。為天子耳目司。而可傳會權要。殺人。以苟

程伊川
先生卒

富貴乎。遂閱實。平反以聞。京大怒。遂貶疇。服而縱。竟竄海島。○前直祕閣程頤卒。頤於書無所不讀。其學本於誠。以大學論語孟子中庸為標指。而達于六經。動止語默。一以聖人為師。其不至於聖人不止也。嘗言。今農夫祁寒暑雨。深耕易耨。播種五穀。吾得而食之。百工技藝。作為器物。吾得而用之。介冑之士。被堅執銳。以守土宇。吾得而安之。無功澤及

人而浪度歲月。晏然為天地間一蠹。唯

綴緝聖人遺書。庶幾有補爾。於是著易

春秋傳。平生誨人不倦。故學者出其門

最多。淵源所漸。皆為名士。而劉絢。李籲

謝良佐。游酢。張繹。蘇昞。呂大臨。呂大鈞

尹焞。楊時。成德。尤著。世稱頤為伊川先

生。卒。年七十五。他○絢。力學不倦。頤每言

易保也。若絢者。吾無疑焉。仕終太常博

士○籲。伊川稱其才器可大任。又言自

從者。籲與劉絢有力焉。仕終校書郎○信

程門諸賢

良佐。學問該贍。事有未徹。則頤有泚。嘗
別一年。而來見。問所進。對曰。但去得一
矜字爾。伊川喜曰。是子可謂力學切問。
而近思者。與游酢。楊時。呂大臨。在程門。
號四先生。仕終監西京竹木場。有論語
說行于世。○酢。初與兄醇。俱以文行知
名。所交皆天下士。頤見之。京師。謂其資
可。以進道。及程顯。與扶講學。招使肄業。
酢。盡棄故所習。而學焉。仕終知濠州。○
繹。家世甚微。年長。未知學。傭力於市。聞
邑官。傳呼聲。心慕之。問人曰。何以得此。
人曰。此讀書所致耳。即發憤力學。遂以
文名。會頤自涪還。河南。繹往受業。頤稱
其穎悟。嘗曰。吾晚得二士。謂繹與尹焞。
也。○大鈞。大防之弟也。能守其師說。而
踐履之。尤喜講明井田兵制。謂治道必
自此始。張載。每歎其勇為不可及。仕終
陝西。轉運從事。○大臨。大鈞之弟。通六

經。尤邃於禮。每欲撥習三代遺文舊制。令可行。不為空言。以拂世矯俗。嘗與兄大忠。大防。相切磋。論道考禮。○冬十

月。貶張商英為安化軍節度副使。○閏

月。以林攄為尚書左丞。鄭居中同知樞

密院事。○十一月壬子朔。日有食之。○

建鎮州於黎母山。○王祖道伐南丹蠻。

獲其酋莫公佞。建觀州。南丹州地。與宜州接境。世為莫

氏所居。○徐處仁以母喪去位。○十二

月。召王祖道為刑部尚書。以張莊知桂

方軫請
誅蔡京
被貶

州。○置黔南路。加蔡京太尉。○太廟齋

郎方軫上書請誅蔡京。京下軫于獄。流

之嶺南。軫上書言蔡京睥睨社稷。內

懷不道。專以紹述熙豐之說為自謀

之計。內而執政侍從。外而帥臣監司。無

非其門人親戚。自元符末。陛下嗣服。忠

義之士投匭者無日無之。京分為邪等。

黥配編置。不齒仕籍。則誰肯為陛下言

哉。京又使子攸。日以花石禽鳥為獻。欲

愚陛下使不知天下治亂。臣以為京必

反也。請誅京。帝詔宣示京。京下軫獄流

之。○夏人來貢。○涪州夷駱世華駱文

貴內附。○乾寧軍言黃河清

戊子二年遼乾統八年。夏貞觀七年。春正月壬子

朔受八寶于大慶殿。赦加蔡京太師時得

良玉工。帝命作六寶。曰皇帝之寶。曰皇帝行寶。曰皇帝信寶。曰天子之寶。曰天子行寶。曰天子信寶。以合秦制。天子六璽之數。與受命鎮國。通曰八寶。

二月。作徽猷閣。歲哲宗御集。○三月。班

班金錄
靈寶道

場儀範
于天下

金錄靈寶道場儀範于天下。○夏四月。

童貫復洮州。五月加貫檢校司空。賜蔡

京玉帶。○童貫復積石軍。○張莊言安

化蒙氏蠻內附。○六月。以涪夷地為珍

州。○以平夏城為懷德軍。○秋。八月。梁

子美罷。○九月。以林攄為中書侍郎。余

深為尚書左丞。○皇后王氏崩。○冬。十

二月。葬靖和皇后于永裕陵。○張莊言

寬樂等州蠻內附。詔以莊兼黔南經略

以子思
從祀夫
子

安撫使○渝州蠻趙泰等內附。以其地
為溱州○涪夷任應舉。湖南徭楊再光
內附○詔孔伋從祀孔子廟庭○折克
行卒。以其子可大知府州事。克行在邊
久。善拊士卒。戰功最多。羌人號為折家
父○夏人入貢

乙丑三年

遼乾統九年。夏貞觀八年。

春正月。以涪

夷地為永州○二月。播州楊文貴內附。
以其地為遵義軍○三月。張康國暴卒

于待漏院

康國始因附蔡京而進。及在

復。陰令康國沮其茲。且許以相。京忌康國。遂引吳執中為中丞。將論康國。康國先知之。旦奏事留白帝曰。執中今日入對。必為京論。臣願避位。既而執中對。果陳其事。帝怒。黜執中。知滁州。至是康國因退朝趨殿廬得疾。仰天吐舌。昇至待漏院卒。或疑中。毒云。

○右正言陳禾上疏請竄

童貫。貶禾監信州酒。時童貫權益張。與
黃經臣胥用事。中丞盧航表裏為姦。搯
紳側目。陳禾曰。此國家安危之本也。吾
位言責。此而不言可乎。遂上疏劾貫。經

陳禾引
落帝裾

臣。怙寵弄權之罪。願亟竄之遠方。論奏未終。帝拂衣起。禾引帝衣。請畢其說。衣裾落。帝曰。正言碎朕衣矣。禾言陛下不惜碎衣。臣豈惜碎首以報陛下。此曹今日受富貴之利。陛下他日受危亡之禍。言愈切。帝變色曰。卿能如此。朕復何憂。內侍請帝易衣。帝却之曰。留以旌直臣。翌日貫等相率前訴。謂國家極治。安得此不祥語。盧航奏禾狂妄。遂謫。○併黔

南入廣西路。○夏四月。林攄有罪免。集英臚唱貢士。攄當傳姓名。不識甄盎字。帝笑曰。卿誤耶。攄不謝而語。詆同列。御史論其寡學。倨傲不恭。失人臣禮。黜知滁州。○以鄭居中知樞密院事。管師仁同知院事。余深為中書侍郎。薛昂劉正夫為尚書左右丞。○五月。流孟翊于遠方。時孟翊獻所畫卦象。謂宋將中微。宜更年號。改官名。變庶事。以厭之。帝不樂。

蔡京免

詔竄之○六月。詔修樂書○管師仁罷
○蔡京有罪免。中丞石公弼。殿中侍御
史張克公。劾京罪惡。章數十上。京坐免。
公弼始與京有連。故得進用。及居言路。
遇事利害。輒言不憚。京始忌之。京既免。
復上章言吏員猥冗。戾元豐舊制。於是
詔堂選歸吏部者數千員。罷宮廟者千
員。都水知掃六十員。縣非大郡悉省。丞
仕塗為清○以何執中為尚書左僕射。

何執中
相

太學生陳朝老詣闕上書曰。陛下知蔡
京之姦。解其相印。天下之人鼓舞。有若
更生。及相執中。中外黯然失望。執中雖
不敢肆為非法。若蔡京之蠹國害民。然
碌碌常質。初無過人。天下敗壞至此。如
人一身。藏府受診已深。豈庸庸之醫所
能起乎。執中夤緣攀附。致位二府。亦已
大幸。遽俾之經體贊元。是猶以蚤負山
多見其不勝任也。疏奏不省○以瀘夷

地為純滋州。○秋八月。嗣濮王宗漢卒。兄子仲增嗣。○冬十一月。詔蔡京以楚國公致仕。○詔筭學以黃帝為先師。○罷東南鑄夾錫錢。○禮書成。凡二百四十七卷。○瀘州夷王募弱內附。

庚寅四年

遼乾統十年。夏貞觀九年。

春正月。詔士

士庶毋得拜僧

庶拜僧者。論以大不恭罪。○夏人入貢。

○以余深張商英為門下中書侍郎。侯蒙同知樞密院事。帝嘗從容問蒙曰。蔡

京何如人也。蒙對曰。使京正其心術。雖古賢相何以加。京聞而銜之。○三月。詔罷醫筭書畫學官。○詔元符上書邪等人。依舊錄用。○夏五月。立詞學兼茂科。○有星孛于奎婁。詔直言闕失。貶蔡京為太子少保。出居杭州。○余深罷。○追貶王祖道為昭信軍節度副使。放張莊于永州。討妄言拓地之罪也。○六月。以張商英為尚書右僕射。時蔡京久盜國

賜商霖
字

柄。中外怨疾。見商英能立異同。更稱為
賢。帝因人望而相之。時久旱。彗星中天。
商英受命。是夕彗不見。明日雨。帝喜。因
大書商霖二字以賜之。○薛昂免。○秋。
七月。罷方田。○八月。以劉正夫為中書
侍郎。侯蒙。鄧洵仁為尚書左右丞。吳居
厚為門下侍郎。○閏月。以張閣知杭州
兼領花石綱。○九月丙寅朔。日有食之。
○冬。十月。立貴妃鄭氏為皇后。○鄭居

中罷。以吳居厚知樞密院事。○南丹州
首領莫公晟內附。○戶部獻今年民數

主客戶二千八十八萬二千二百五十八。
口四千六百七十三萬四千七百八

十四

辛卯政和元年

遼天慶元年。夏貞觀十年。

春三月。

以王襄同知樞密院事。○夏六月。復蔡
京太子少師。○秋。七月。廢平從州為砦。
○八月。復蔡京太子太師。○張商英罷。
○九月。王襄免。○鄭允中。童貫。如遼。童

張商英
罷

貫既得志於西羗。遂謂遼亦可圖。因請使遼以覘之。或言以宦官為上介。國無人乎。帝謂曰。遼聞貫破羗。故欲見之。因使覘其國。策之善者也。遂行。○冬十月。貶張商英為崇信軍節度副使。○徙陳瓘于台州。先是瓘以忤蔡京竄郴州。瓘子正彙在杭。訟京有動搖東宮意。杭守蔡嶷執正彙送京師。下開封府獄。併逮治瓘。尹李孝稱逼使證其妄。瓘曰。正彙

徙陳瓘于台州

聞京將不利社稷。傳于道路。瓘豈得預知。以所不知。忘父子之恩。而指其為妄。則情有所不忍。挾私情以符合其說。又義所不為。京之姦邪。必為國禍。瓘固嘗論之於諫省。亦不待今日。語言間也。內侍黃經臣莅鞫。聞其辭。失聲太息。謂曰。主上正欲得實。但如言以對可也。獄具。正彙猶以所告失實。流海上。瓘安置通州。瓘嘗撰尊堯集。謂紹聖史官專據王

安石日錄。改修神宗史。變亂是非。不可傳信。深明誣妄。以正君臣之義。張商英為相。取其書。既上。而商英罷。瓘又徙台州。何執中令石戡知台州。欲寘瓘以必死。戡至。執瓘至庭。大陳獄具。將脅以死。瓘揣知其意。大呼曰。今日之事。豈被制旨耶。戡失措。始告之曰。朝廷令取尊堯集爾。瓘曰。然則何用許。使君知尊堯所以立名乎。益以神考為堯。主上為舜。尊

堯何得為罪。時相學術短淺。為人所愚。君所得幾何。乃亦不畏公議。干犯名分乎。戡慙。揖瓘使退。所以窘辱之者百端。終不能害。執中怒。罷戡。瓘平生論京兄弟。皆披擿其處心。發露其情。慝最所忌。恨。故得禍最酷。○童貫以遼李良嗣來。以為祕書丞。賜姓趙氏。良嗣本燕人。馬植。遼大族。仕至光祿卿。行污而內亂。不齒于人。童貫使至盧溝。植夜見其侍史

童貫挾
馬植歸

圖燕之議始此

自言有滅燕之策。貫與語大奇之。載與俱歸。易姓名曰李良嗣。薦諸朝。植即獻策曰。女直恨遼人切骨。而天祚荒淫失道。本朝若自登萊涉海結好女直。與之相約攻遼。其國可圖也。議者謂祖宗以來。雖有此道。以其地接諸蕃。禁商賈舟船不得行。百有餘年矣。一旦啓之。懼非中國之利。不聽。圖燕之議始此。

壬辰二年

遼天慶二年。夏貞觀十一年。

春正月。詔元

符上書邪等人。不得除監司。○二月。詔蔡京復以太師致仕。賜第京師。○**遼主**

如混同江。生女直部阿古達等朝之。適

頭魚宴。酒半酣。遼主命諸部次第起舞。至阿古達。辭不能。但端立直視。遼主諭之。再三。阿古達終不從。他日遼主密語北樞密使蕭奉先曰。阿古達跋扈如此。可託以邊事。誅之。否則必貽後患。奉先曰。彼虜人不知禮義。且無大過而殺之。恐傷向化心。設有異志。叢爾小國。亦何能為。遼主乃止。阿古達之弟烏奇邁。粘罕。胡舍等。嘗從遼主獵。能呼鹿刺虎。搏熊。遼主喜。加以官爵。阿古達歸。疑遼主知其異志。且以遼主淫醜。不恤國政。遂稱兵。先併旁近部族。女直趙三阿鶻產

陳顯罷歸隱

相之。阿古達擄其家屬二人。走訴咸州。詳穩司。送北樞密院。蕭奉先作常事。以聞。遼主命送咸州。詰責。阿古達一日率五百騎突入咸州。吏民大驚。翌日赴詳穩司。不屈。送所司問狀。一夕遁去。遣人訴于遼主。言詳穩司欲見殺。故不敢留。復自是召不。○夏。四月。復行方田。○蔡京至

自杭州。帝宴之于太清樓。○加何執中司空。○五月。詔太師蔡京落致仕。三日。一至都堂議事。○六月。以余深為門下侍郎。○罷戶部尚書陳顯知越州。顯因對言。再用蔡京。士民失望。帝怒。故貶。遂

更定官名

歸隱四明。○秋。七月。訪遺書于天下。○置禮制局。○九月。更定官名。蔡京率意自用。首更開封守臣為牧尹。遂詔太師太傅。太保。古三公之官。為真相之任。仍立三孤為次相之任。更侍中為左輔。中書令為右弼。尚書左僕射為太宰。兼門下侍郎。右僕射為少宰。兼中書侍郎。而以太尉冠武階。元豐之制。至此大壞。○冬。十一月。受元圭于大慶殿。赦。進封蔡京為魯國

劉后自
殺

公○以何執中為少傅太宰。兼門下侍郎。十二月。加童貫太尉○宴輔臣于延福宮○蜀夷董舜咨等內附。置棋亭州。**癸巳**三年。遼天慶三年。夏貞觀十二年。春正月。追封王安石為舒王。復封安石子雱為臨川伯。從祀孔子廟庭○吳居厚罷○以鄭居中知樞密院事○二月。罷文臣勳官○崇恩皇太后劉氏有罪自殺。帝以哲宗故。曲加恩禮于后。而后頗干預外事。

溺信方
士

且以不謹聞。帝與輔臣議將廢之。而后已為左右所逼。即簾鉤自縊而死。年三十五○賜方士王老志號洞微先生。王仔昔號通妙先生。王老志。濮人。初為小吏。遇異人授以丹。遂棄妻子。結草廬田間。為人言休咎多驗。時帝方嚮道術。召至京館于蔡京第。嘗緘書一封。至帝所。啟視。乃昔歲秋中。與喬劉二妃燕好之語也。由是益信之。老志踰年而死。仔昔。洪州人。隱于嵩山。自言遇許遜。得大洞隱書。能道人未來事。蔡京薦之。由是道家之事日興。而仔昔恩寵寔加。朝臣戚里。夤緣關通。三月壬子朔日有食之○夏四月。作保

作保和
殿玉清
官

和殿○鄧洵仁罷○管方澤○作玉清
和陽宮○以薛昂為尚書右丞○班五
禮新儀○閏月改公主為帝姬○五月
葬昭懷皇后○班新燕樂○秋七月加
何執中少師○冬十月閱新樂器于崇
政殿○詔祀大禮並以道士百人執威
儀前導○十一月有事于南郊詔天神
降時以道士前導蔡攸為執綏官玉輅
臺出南薰門帝忽曰玉津園東若有樓
臺閣重復是何處也攸即奏見雲間樓殿
臺閣隱隱數重帝又曰見人物否攸即

求道教
經

奏有若道流童子持幡節蓋相繼而出
雲間歷歷可識遂以天神降詔告在位
由是益信神十二月詔求道教僊經于
仙之事矣

天下○遼生女直部節度使烏雅舒卒弟

阿古達自稱達貝勒達貝勒者總治

宰○先是烏雅舒夢逐狼屢發不能中
阿古達前射中之以問左右皆曰吉兄
不能得而弟得之兆也及烏雅舒卒
遼使阿息保來曰何以不告喪阿古達
曰有喪不能弔而乃以為罪乎他日阿
息保徑至殯所閱馬欲取之阿古達
怒將執而殺之烏雅乃止
長子謀良虎力止之乃止

甲午四年遼天慶四年春正月置道

女直叛
遼

階○夏四月。闕太學辟雍諸生雅樂○
五月初。祭地祇于方澤○六月。以廣西
溪洞地置隆州○秋。八月。置延康述
古二殿學士改端明殿為延康殿改樞
密直學士為述古殿學士○
冬十月。遼生女直阿古達叛。陷寧江州。初
遼主好獵。淫酗。怠于政事。每歲遣使市名
鷹海東。青于海上。道出生女直。使者貪
縱。徵索無藝。女直怨苦之。及阿蘇奔遼。烏
雅舒屢請不遣。遂以為辭。稍稍拒市。鷹使

者。及阿古達嗣。復遣普嘉努索阿蘇。久
而不還。又遣實古納尼楚赫復至遼。主
終不許。實古納歸。具言遼主驕肆廢弛
之狀。阿古達乃召所屬。使備衝要。建城
堡。修戎器。遼統軍司遣節度使問之。阿
古達曰。設險自守。又何問哉。遼主復使
侍御詰之。阿古達因以嫚語荅之。曰。我
小國也。事大國不敢廢禮。大國德澤不
施。而逋逃是主。以此字小。能無望乎。若

還阿蘇朝貢如故。不然城未已也。使還
遼主遂發渾河北諸軍。益東北路統軍
司。阿古達聞之。謂其下曰。遼人知我將
舉兵。集諸路軍備我。我必先發制之。無
為人制。衆皆曰善。乃與尼瑪哈胡舍等
謀。遂集所屬諸部兵。以尼楚赫羅索棟
摩等為將。而使博勒和徵伊蘭都古嚕訥
兵。幹魯古阿魯。撫諭幹忽急賽兩路。係
遼女直實不迭。往完睹路。執遼障鷹官。

女直數
遼罪

九月。阿古達進兵。會諸部于拉林水。得
二千五百人。數遼之罪。告于天地曰。世
事遼國。恪修職貢。定烏春窩謀罕之亂。
破蕭哈里之衆。有功不省。而侵侮是加。
罪人阿蘇。屢請不遣。今將問遼之罪。天
地其鑒佑之。遂命諸將傳挺而誓。按誓
等。同心盡力。有功者。奴婢部曲。為良庶。
人。官之。先有官者。叙進。輕重視功。苟違
誓。言。身。死。挺。下。家。屬。無。赦。且戰且行。至遼界。遇勃海
軍耶律色實墜馬。遼人前救。阿古達射

殺之。獲所乘馬。阿古達之子幹布。與數騎陷遼圍中。阿古達救之。免胄戰。或自傍射之。阿古達顧見射者。一矢而斃。謂其下曰。盡敵而止。衆從之。勇氣百倍。敵大奔。相蹂踐死者十七八。薩哈在別部。聞之。使其子尼瑪哈至軍。勸其稱帝。阿古達曰。一戰而勝。遂稱大號。何示人淺也。進軍遂攻陷寧江州。○十一月遼蕭嗣先帥師伐女直。敗績于混同江。遼主

遼伐女直

免嗣先官。而釋其罪。先是遼主聞寧江州陷。召群臣議。漢人行官副部署蕭托斯和曰。女直雖小。其人勇而善射。自執我叛人蕭哈里。勢益張大。我兵久不練。若遇強敵。稍有不利。諸部離心。不可制矣。為今之計。莫若大發諸道兵。以威壓之。庶可服也。北院樞密使蕭德勒忒曰。如托斯和之謀。徒示弱耳。但發滑水以北兵。足以拒之。乃以司空蕭嗣先為東

女直敗
遼

北路都統蕭托卜嘉副之。發契丹奚軍。及中京禁兵出店河。阿古達帥衆來禦。未至混同江。夜就枕。若有扶其首者三。阿古達寤而起曰。神明警我也。即鳴鼓舉燧而行。黎明至混同江。與遼兵遇。會大風起。塵埃蔽天。阿古達乘風奮擊。遼兵潰。將士多死。樞密使蕭奉先嗣先兄也。懼嗣先得罪。輒奏東征。潰軍所至劫掠。若不肆赦。恐聚為患。遼主從之。嗣先

女直襲
遼

但免官而已。自是凡軍潰敗。遂止免官而不加罪。於是諸軍相謂曰。戰則有死而無功。退則有生而無罪。故士庶無鬪志。遇敵輒潰散矣。○阿古達襲敗遼蕭迪里于噶琳。灤東殺獲甚衆。遼人嘗言女直兵滿萬則不可敵。至是始滿萬矣。○十二月。詔廣南歲貢真珠犀角象齒。○女直敗遼師于賓祥咸三州。遂陷其城。○遼鐵驪王奚和勒博以所部叛降。

于女直○以童貫為陝西經略使

資治通鑑節要續編卷之九

資治通鑑節要續編卷之十

宋紀

附 遼紀 金紀

徽宗皇帝 下

乙未

五年

遼天慶五年○金太祖完顏
旻收國元年○夏雍寧元年

春正月女直完顏阿古達稱皇帝更名

旻國號金

先是阿古達既屢勝遼烏奇
萬等勸其稱帝阿古達不許

鄂蘭哈瑪爾等曰今大功已建若不稱號
無以繫衆心阿古達曰吾將思之烏奇

萬復以為言遂即位且曰遼以賓鐵為
號取其堅也賓鐵雖堅終以變壞惟金

不變不壞金之色白完
顏色尚白於是號大金○晏州夷反以

金始建國

趙適為瀘南招討使。帥師討平之。○遼

使耶律僧嘉努如金議和。金主旻不從。

○遼耶律鄂爾多帥師次于達魯噶城。

○金主旻來戰。遼師敗績。時鄂爾多帥騎

萬戍邊。且屯田。以為持久之計。金主登高

望遼兵。若連雲灌木狀。顧謂左右曰。遼

兵心貳。而情怯。雖多不足畏。遂趨高阜

為陣。宗雄以右翼先馳。遼左軍左軍却。

左翼出其陣後。遼右軍皆力戰。羅索尼

楚赫衝其中堅。凡九陷陣。皆力戰而出。

遼兵遂敗。乘勝追躡。至其營。會日暮。圍

之。黎明。遼軍潰圍出。逐北。步卒盡死。

○童貫使劉法敗夏人于古庫勒。○二

立皇太子

月。立定王桓為皇太子。赦

桓。帝之長子。顯恭。皇。后所

生。○以童貫領六路邊事。

六路。謂永興。鄜。延。環。慶。秦

鳳涇原。熙河。

○三月。遼

使耶律章嘉努諭降

于金。○夏四月。作葆真宮。○改集賢殿

為右文殿。○置宣和殿大學士。○五月

○金主拜天射柳。金承遼俗。凡五月五日。

行拜天禮。禮畢。則射柳于毬場。○遼復使耶律章嘉努

如金。遼書猶斥金主名。金復書亦斥遼

主名。諭使速降。○六月。作三山河橋。○

遼使蕭薩刺如金人執之○秋七月

戊戌朔日有食之○金主以其弟烏奇

邁為安班貝勒國語解云安班貝勒官之尊且貴者

○遼耶律鄂爾多及金人戰于白馬灤

遼師敗績○八月作明堂○嗣濮王仲

增卒○遼主伐金遼主下詔親征以阿

不為中軍都統章嘉努為都監率蕃漢

兵十萬蕭奉先充御營都統諸行營都

部署耶律章努副之以精兵二萬為先

遼主伐金

鋒餘分五部為正軍分道而進發數月

糧期必滅女直○八月有星流出于柳

其光照地色赤黃有尾占者以為天子

宗廟有喜國家建造宮室之象蔡京帥

百官表賀○九月金主旻陷遼黃龍府

初金主次混同江無舟以渡金主使一

人導前乘赭白馬徑涉曰視吾鞭所指

而行諸軍隨之水及馬腹既濟使舟人

測其渡處深不得其底○金主遣蕭薩

召陳顯不至

刺還遼○以仲御為嗣濮王○遼師渡

混同江先鋒部署耶律章努反伏誅○

劉仲武王厚帥師伐夏敗績于臧底河

○冬十月召陳顯為宣和殿學士不至

○十一月高麗使子弟來就學○十二

月遼師至馳門都監耶律張家奴反遼

主引還金主旻追之遼師敗績于呼卜

圖岡以金人聞遼主親征尼瑪哈烏珠等

之戰遼主怒下詔有女直作過大軍剪除

遼師伐金敗績

起兵蓋苦契丹殘忍欲自立國今主上

親征柰何非人死戰莫能當也若不若殺

我一族汝等迎降轉禍為福諸軍皆曰敵

事已至此惟命是從從金主遂帥師迎敵

至交刺與其臣謀曰遼兵七萬其鋒

不可當吾軍遠來人馬疲乏宜深溝高

壘以待之金主以章努叛西還二日獲督

餉者知遼主以章努叛西還二日獲督

將請乘急擊之金主曰敵來不迎戰去

效金主曰誠欲追敵約齊奮躍遂追及

之不可分視其中軍最堅遼主必在馬

兵不攻中軍可視其中軍最堅遼主必在馬

賈監卷二

方士林
靈素入

初女直無步卒。惟騎兵千餘。刻小木牌。係人馬為號。五十人為一隊。前二十人重甲持矛戈。後三十人輕甲操弓矢。每遇敵。必二人躍馬而出。觀陣之虛實。四面結隊而馳擊。百步之外。弓矢齊發。無不中者。其分合出入。應變周旋。人自為戰。所以恒勝。○**金**夾谷撒喝陷遼開州。**丙申**六年。遼天慶六年。○**金**收國二年。○夏雍寧二年。春正月。遼高永昌據遼陽以叛。○賜方士林

見

靈素妄言

靈素號通真達靈先生。靈素温州人。少從浮屠。苦其師笞罵。去為道士。善妖幻。往來淮泗間。丐食僧寺。僧寺苦之。及王老志死。王仔昔寵衰。帝訪方士於左階道籙徐知常。知常以靈素對。即召見。靈素大言曰。天有九霄。而神霄為最高。其治曰府。神霄玉清王者。上帝之長子。主南方。號長生大帝君。陛下是也。既下降于世。其弟號青華帝君者。主東方。攝領

之。又有左元仙伯。書罰仙吏褚慧等八
百餘官。今蔡京即左元仙伯。王黼即文
華吏。盛章。王革。即園苑寶華吏。鄭居中。
童貫等皆有名。而已。即褚慧下降也。佐
帝君之治。時劉貴妃方有寵。靈素以為
九華玉真安妃。帝心獨喜其事。甚加寵
信。賞賚無筭。靈素本無所能。惟召呼風
霆。間禱雨有小驗而已。○以童貫為陝
西河北宣撫使。○劉法帥師伐夏。克日木

立道學

多泉城。○种師道帥師伐夏。克臧底城。
○閏月。立道學。從林靈素之言○二月。詔增廣
天下學舍。○詔修御河及廣京城。○夏
四月。會道士于上清寶籙宮。初帝以未
得嗣子為念。道士劉混康以法籙符水。
出入禁中。建言京城西北隅地協堪輿。
倘形勢加以少高。當有多男之祥。始命
為數仞岡阜。已而後宮生子漸多。帝甚
喜。始信道教。於是蔡攸倡為異聞。謂有珠

星壁月。跨鳳乘龍。夫書雲篆之符。以逢
迎之。遂竭國家之力。以經營土木之工。
及聞林靈素之言。復於景龍門對晨暉
門。作上清寶籙宮。密連禁署。宮中山包
平地。環以佳木清流。列諸館舍臺閣。多
以美材為楹棟。不施五采。有自然之勝。
上下立亭宇。不可勝計。帝時登皇城下
視之。由是開景龍門城上作複道通寶
籙宮。以便齋醮之事。○**金** 韓魯攻高永

昌殺之。遂陷遼東京州縣。

永昌使托卜
嘉杓合。求援

于金。願併力取遼。金主使謂曰。同力取
遼。固可。東京近地。汝輒據之。以僭大號。
則不可。若能歸款。當授王爵。永昌不從。
金主乃遣韓魯帥諸軍攻永昌。執而殺之。
於於是遼之東京州縣及南路係遼女
直皆降于金。金主詔除遼法。省賦稅。置
明安穆昆。以韓魯為南路都統。沃稜知
路都統。沃稜知東京事。

○何執中致仕

○詔蔡京三日一朝。正公相位。總治三

省事。○五月。以鄭居中為少保太宰。劉

正夫為特進少宰。鄧洵武知樞密院事。

○六月。遼以秦晉國王淳為都元帥。○

上玉帝
尊號

秋八月。詔天下監司。搜訪巖谷之事。○
幸蔡京第。○**金**撒喝陷遼。保州。○以薛
昂為尚書左丞。侯蒙為中書侍郎。○九
月。帝詣玉清和陽宮。上玉帝徽號。赦其
號曰。太上開天執符御歷含真體道昊
天玉皇上帝。蓋以論者析玉皇大天帝。
昊天上帝言之。不能致一故也。又詔天
下洞天福地。修建宮觀。塑造聖像。○西
內成。赦京西路。○加童貫開府儀同三

司。○冬。十一月。以白時中為尚書右丞。
○十二月。遷九鼎于園像。徽調閣。○劉
正夫致仕。茂州夷郵永壽內附。以其地
為壽寧延寧軍。

丁酉七年。遼天慶七年。○金天輔三年。夏。雍寧三年。春。正

月。遼春州及遼東渤海叛。降于**金**。○**金**

舍音陷遼。泰州。○二月。封段和譽為大

理國王。和譽大○會道士于上清寶籙

宮。凡二千人。詔林靈素諭以帝君降臨

千道會

事焉○策高麗進士于集英殿○改天
下天寧萬壽觀為神霄玉清萬壽宮○
幸上清寶籙宮。命林靈素講道經。自是
每設大齋。輒費緡錢數萬。謂之千道會。
令士庶入殿聽靈素講經。帝為設幄其
側。靈素據高座。使人於下再拜請問。然
所言無殊絕者。時時雜以捷給嘲詼。以
資媒笑。莫有君臣之禮。復令吏民詣宮
授神霄秘籙。朝士之嗜進者。亦靡然趨

帝為道
君皇帝

之○三月。以宦者童貫權領樞密院○
夏四月。道籙院上章。冊帝為教主道君
皇帝。先是帝諷道籙院曰。朕乃上帝元
子。為太霄帝君。憫中華被金狄之教。遂
愾上帝。願為人主。令天下歸于正道。卿
等可上表章。冊朕為教主道君皇帝。於
是群臣及道籙院上表冊之。然止用於
教門章疏內。而不施於政事○升温州
為應道軍。為林靈素也○五月。帝詣玉

上地祇
號

作定命寶

清和陽宮。土地祇徽號曰承天。效法厚地。光大后土。皇地祇云。命蔡攸提舉秘書省。并左右街道籙院。祭地于方澤。改玉清和陽宮為玉清神霄宮。六月。明堂成。進封蔡京為陳魯國公。辭不受。秋七月。置提舉御前人船所。作定命寶。時得于闐大玉。踰二尺。色如天地。幽贊神明。保合太和。萬壽無疆。篆以魚蟲。制作之工。幾於秦璽。合前八寶為九。八月。鄭居中以母喪去位。高麗

使蒲馬如金。以請保州。金人不許。保州。高麗在嚴地。金之拔保州。高麗兵已在城中。金人入守之。故請。九月。有

事于明堂。赦。遼置怨軍。遼主自燕至陰涼河。募遼

東人為兵。使報怨于女直。號曰怨軍。冬十月乙卯朔。初

御明堂。班朔布政。侯蒙罷。十一月。

命蔡京五日。一起都堂治事。起復鄭

居中為太宰。以余深為特進少宰。白時

中為中書侍郎。十二月。以薛昂為門下

侍郎。下方士王仔昔獄殺之。詔天

殺方士王仔昔

神降于坤寧殿○以童貫領樞密院事
○作萬歲山于京師○安置祕書丞黃
葆光于昭州。以大早上疏力攻蔡京故
竄○遼耶律淳帥師次于蒺藜山○烏
楞古來戰。淳敗走○金人追之。遂陷顯乾
懿豪徽成川惠等州○金主旻遣使求
封冊于遼

戊戌

重和元年

遼天慶八年○金天輔二年○夏雍寧四年

春正月。受定命寶于大慶殿。赦○以王

馬政往
金預請
燕雲地

黼為尚書左丞○遼使耶律努克議和

于○金主復書曰。能以兄事朕。歲貢方

物。歸我中京上京等路。以親王子孫為

質。并宋夏高麗往復書詔表牒。則可以

如約○遼雙州降于○金○二月。詔馬政

浮海如○金預請燕雲之地○建隆中女直嘗自其國之

蘇州。泛海至登州賣馬。故道猶存。至是

有漢人高藥師泛海來言。女直建國。屢

破遼師。登州守臣王師中以聞。詔蔡京
童貫議遣武義大夫馬政同藥師往金
致書於金主曰。日出之分。實生聖人。竊

務以惑
世欺衆

聞征遼。屢破勅敵。若克遼之後。五代時
陷入契丹漢地。願界下邑。○三月遼復
使耶律努克如金中前議也○夏四月。築靖
夏及制戎城。○五月壬午朔。日有食之。
○賜方士林靈素號通真達靈元妙先
生。張虛白為通元冲妙先生。時帝惑於
林靈素之言。建宮觀徧天下。又造青華
正書臨壇。及火龍神劍。夜降內宮之事。
託天神臨降。因造帝誥天書雲篆。務以

惑世欺衆。其說妄誕不可究質。宦者道

士有所不快。必託為帝誥。則莫不如志。

尋賜靈素視中大夫。出入訶引。至與諸

王爭道。都人稱曰道家兩府。其徒美衣

玉食者幾二萬人。○遼使耶律努克如

金要以酌中之議使耶律呼圖克昆如遼金報使

守前議○立元成節以青華帝君○六月

遼使耶律努克如金齊宋夏高麗書詔

表牒往。○秋七月。加鄭居中少傅。余深

少保鄧洵武特進○**金**使耶律呼圖克昆
如**遼**○八月加官者童貫太保○**遼**使
耶律努克議冊禮于**金**○掖庭大火自
甲夜達曉大雨如傾火益熾凡焚屋五
千餘間後苑廣聖宮及宮人所居幾盡焚
死者甚衆○九月薛昂罷以白時中王黼
為門下中書侍郎馮熙載范致虛為尚書
左右丞○**遼**使耶律努克如**金**○作神
霄九鼎○帝如上清寶籙宮度玉清神

作道史

霄祕籙會者八百人時道士有俸每一
齋施動獲數十萬每一觀給田亦不下
數百千頃貧下之人多買青布巾以赴
日得一飫餐而襯施錢三百謂之千道
會○作道史○鄭居中乞終喪制許之
○閏月立周恭帝後以為宣義郎○冬
十月置道官道職○馬政以**金**散觀來
報書曰所請之地今當與大朝夾攻得
者有之本朝自取不在分割之議○十

二月。置裕民局。○遼使耶律努克如金

冊禮定 ○遼大饑

已亥 宣和元年 遼天慶九年 ○ 金天輔二年 ○ 夏雍寧五年

改釋氏為僊

春正月。詔更號佛為大覺金僊。僧為德士。寺院為宮觀。尋詔德士並許入道學。依道士之法。林靈素欲盡廢釋氏以逞前憾故也。○金李善慶來。○趙有開如金不至而復。○以余深為太宰。王黼為少宰。○帝耕籍田。○罷裕民局。○封占

馬政復 議攻遼 取燕雲

城楊卜麻疊為占城國王。○金使烏凌

阿贊謨如遼。○二月。加鄧洵武為少保

○三月。以馮熙載為中書侍郎。范致虛

張邦昌為尚書左右丞。○遼使蕭實訥埒

冊金主旻為東懷國皇帝。金主弗受。○

詔馬政復如金。議夾攻遼。以取燕雲。○

童貫使劉法師伐夏。敗績于統安城。

法走還夏。人追殺之。○使童貫使熙河經畧

不欲行強遣之。乃引兵二萬出統安城。遇夏主弟察克。率步騎為三陣。以當法

前軍。而別遣精騎登山出其後。大戰移
七時。前軍揚惟忠敗入中軍。後軍焦安
節敗入左軍。朱定國力戰自朝至暮。兵
饑馬渴。死者甚多。法乘夜遁。比明走七
十里。守兵見追之。墜崖折足。為一別贖
軍斬首而去。死者十萬。法名將既死。諸
軍恟懼。貫隱其敗。而以捷聞。察克見法
首惻然。語其下曰。劉將軍前敗我於古
庫勒。日木多泉。吾嘗避其鋒。謂天生神將。
豈料今為一小卒。梟首哉。其失在恃勝。
輕出不戒。○夏四月丙子朔。日有食之。○
五月。有龍見于京師。茶肆傭晨興。見大
犬蹲榻傍。近視之。則龍也。軍器作坊兵
士取而食之。逾五日。大雨如注。歷七日

李綱言
異得貶

而止。京城外水高十餘丈。帝懼甚。命林
靈素治水。不驗。遂命戶部侍郎唐恪決
水下流入五丈河。起居郎李綱言。國家
都汴百五十餘年矣。未嘗有此異。夫變
不虛生。必感召之災。望求直言。採而用
之。以答天戒。詔貶綱一官。與縣去。○六
月。追封周莊周列禦寇為真君。○夏人
來。詔童貫罷兵。○金辭列曷魯來。○秋。
七月。加宦者童貫太傅。封涇國公。○金

使烏凌阿贊謨如遼金主以遼冊至無

大金而言東懷乃小邦懷其德之義及

有渠材二字語涉輕侮若遇芬多戲等

言皆非善意殊○八月范致虛以母喪

乖體式遣責之

去位○**金**頒女直字初女直無文字及

契丹漢字於是烏頁摩囉歡古紳等學

之摩囉歡兩月盡通遂與幹布等立法

制定○九月宴蔡京于保和新殿○幸蔡

京第○加淮康軍節度使蔡攸開府儀

同三司攸有寵于帝進見無時與王黼

得預官中祕戲攸嘗言於帝曰所謂人

帝微行

主當以四海為家太平為娛歲月能幾

何豈徒自勞苦帝深納之遂數微行因

令苑囿皆做江浙為白屋不施五采多

為村居野店及聚珍禽異獸動數千百

以實其中都下每秋風靜夜禽獸之聲

四徹宛若山林陂澤之間識者知其不

祥之兆焉○**遼**使蕭習泥烈如**金**○安

定郡王世福卒○冬十月以紹述熙豐

政事書布告天下○十一月以張邦昌

曹輔諫
帝微行
得竄

王安中為尚書左右丞○放太學生鄧
肅歸田里肅以朱勔花石綱害民進詩
諷諫○十二月帝微行竄秘書省正字
曹輔于郴州輔上疏諫曰陛下厭居法
宮時乘小輦出入廛陌之中郊坰之外
極遊樂而後返道途之言始猶有感今乃
談以為常帝自政和以來多微行乘小輦
子數內臣導從民間猶未知及
蔡京謝表有輕車小輦七賜
臨幸之言自是邸報聞四方臣不意陛下
當宗廟社稷付託之重玩安忽危一至

於此夫君之與民本以人合合則為腹
心離則為楚越畔服之際在於斯須甚
可畏也蚩愚之民萬一當乘輿不戒之
初一夫不逞包藏禍心雖神靈垂護然
亦損威傷重矣又况有臣子不忍言者
可不戒哉帝示宰臣令赴都堂審問余
深曰輔小官何敢論大事輔曰大官不
言故小官言之官有大小愛君之心一
也王黼陽顧張邦昌王安中曰有是事

乎。皆應以不知。輔曰。茲事雖里巷小民無不知。相公當國。獨不知耶。曾此不知。馬用彼相。黼怒。遂編管郴州。○召楊時為秘書郎。時南劍將樂人。初舉進士第。聞程顥兄弟講孔孟絕學于河洛。時調官不赴。以師禮見顥於潁昌。相得甚歡。其歸也。顥目送之。曰。吾道南矣。及顥卒。又師事程頤於洛。蓋年四十矣。一日頤偶瞑坐。時與游酢侍立不去。頤既覺。則

游楊立
雲

門外雪深一尺矣。後歷知瀏陽餘杭蕭山三縣。皆有惠政。民思之不忘。時安於州縣。未嘗求聞達。而德望日重。四方之士不遠千里從之。游號曰龜山先生。會蔡京客張翥言於京曰。宗社危在旦夕。宜亟引舊德老成。置諸左右。以開道人心。羅天下忠義之士。分布內外。京問其人。翥以時對。京因薦之。會路允迪自高麗還。言高麗國主問龜山先生安在。乃

龜山先
生

召為祕書郎

庚子二年遼天慶十年○金天輔四年○夏元德元年春正

月。罷道學○林靈素有罪放歸田里。靈

林靈素有罪放死

素初與道士王允誠共為神怪之事。後

忌其相軋。烏八反毒殺允誠。遂專用事。益

肆橫恣。道遇皇太子弗歛避。太子入訴

于帝。帝怒斥還故里。命江端本通判温

州察之。廉得其居處過制罪。安置楚州。

命下而靈素已死○二月。趙良嗣如**金**

議取燕雲○**金**使烏林答贊謨如**遼**其責

乞師于高麗○三月**遼**使蕭習泥烈如**金**復

議册禮**金**主旻不許遼以金人所定大

號同。金主怒。自是夏五月。竄布衣朱夢說

于池州○**金**主旻侵**遼**上京。留守耶律

撻不野以城降之○六月。詔蔡京致仕。

猶朝朔望。京專政日久。公論益不與。帝

蔡京父子相軋

亦厭薄之。子攸權勢既與父相軋。浮薄

者復間焉。由是父子各立門戶。遂為仇

敵攸別居○罷禮制及他局五十八所

○復僧寺額○秋七月罷醫筭學○八

月趙良嗣以**金**勃堇來議伐**遼**及歲幣

○九月復德士為僧○詔馬政如**金**報

師期許歲幣先是金主謂良嗣曰金兵

兵自白溝夾攻不然不能從至是帝報

書云大宋皇帝致書于大金皇帝遠承

信介特示函書致罰契丹逃聞為慰確

示同心之好共圖問罪之師誠意不逾

當如來約已差童貫勒兵相應彼冬十

此兵不得過關歲幣之數同于遼

月戊辰朔日有食之○加內侍河東節

度使梁師成太尉○建德軍清溪民方

臘作亂方臘世居縣揭村託左道以惑

亂方臘作

方臘作亂

方臘作亂

方臘作亂

方臘作亂

臘作亂方臘世居縣揭村託左道以惑

谷幽險處民物繁夥有漆褚松杉之饒

富商巨賈多往來臘有漆園造作局屢

酷取之臘然而未敢發時朱勛花石綱

之擾比屋致怨臘因民不忍陰聚貧乏

游手之徒以誅勛為名自號聖公

建元永樂不旬日聚眾至數萬

月余深罷○以王黼為少保太宰黼竭

天下財力以供費官吏承望風旨凡四

方水土珍異之物悉苛取於民進帝所

者不能什一餘皆入于黼家○十二月

方臘陷建德軍歙衢杭州。以童貫為江

淮荆浙宣撫使。帥師討之。○以鄭居中

權樞密院事。○封真臘金哀賓深為真

臘國王。真臘一名占臘。在南東際海。地方七千里。

辛丑三年。遼保大年。○夏元德二年。金天輔春正

月。鄧洵武卒。鄧氏自紹以來。世濟其姦。而洵武阿蔡京尤甚。京之

源敗亂天下。禍始童貫至蘇州。承詔罷蘇杭

州造作局。及御前綱運。并木石彩色等

場。○方臘陷婺州。○二月。罷方田。○罷

宋江寇
京東州
郡

天下學校三舍法。○方臘陷處州。○淮

南盜宋江寇京東州郡。至海州。張叔夜

敗之。江乃降。宋江起河朔。轉掠十郡。官軍莫敢嬰其鋒。聲言將至

海州。知州張叔夜募死士。得千人。設伏近城。而輕兵距海。誘之戰。先匿壯卒

海旁。伺兵合舉。火焚其舟。賊聞之。皆無鬪志。伏兵乘之。擒其副賊。江乃降。初。知

毫州。侯蒙上書。言江以三十六人。橫行齊魏。官軍數萬。無敢抗者。其才必過人。

方臘自赦。江以討。○方臘寇秀州。官軍敗

之。臘將方七佛。引眾六萬。攻秀州。統軍

賊。斬首九千。○遼主殺其文妃蕭氏。南

面都統耶律余覲叛降于金遼主有子長曰趙

王習泥烈次曰晉王敖廬幹次曰秦王

定次曰許王晉王文妃蕭氏所生及長

積有人望內外歸心遼境內郡縣所失

幾半而遼主畋遊不恤忠臣多被踈斥

文妃之作歌諷諫遼主見而銜之蕭奉先

元妃之兄而秦王許王之舅以國人屬

意晉王恐秦王不得立因潛圖之文妃

姊適耶律撻曷里得立耶律余覲一日

其姊妹俱會軍前奉先諷人誣文妃與

駙馬蕭昱及余覲撻曷里等謀立晉王

而尊遼主為太上皇遼主遂誅蕭昱撻

曷里等而賜文妃死獨未忍加罪晉王

余覲在軍中聞文妃死獨未忍加罪晉王

死大懼遂降于金

以陳遘為江淮

經制使夏四月童貫執方臘歸于京師

擒方臘

經制使夏四月童貫執方臘歸于京師

時臘遁還封源洞衆尚二十餘萬與官

軍力戰而敗深據岸屋為三窟諸將莫

知所入王淵禪將韓世忠潛行溪谷問

野婦得徑即挺身直前渡險數里擣其

穴格殺數十人擒臘以出遂併取臘妻

子及偽相方肥等五十二人殺賊七萬

其黨皆潰臘凡破六州五十二縣戕平

民一皆潰臘凡破六州五十二縣戕平

相望于百餘里

院○大蝗○安置御史中丞陳過庭于

諫誅三賊臣被貶

黃州過庭以睦寇竊發上言致寇者蔡京養寇者王黼竄二人則寇自平又言朱勔父子本刑餘小人交結權近竊取

黑青見
禁中

名器罪惡盈積宜正典刑以謝天下。三人聞而憾之。故貶。○**金**曷魯來。○閏月。復應奉局。命王黼。梁師成。領之。○秋七月。廢純滋等十二州。○**黑青**見于禁中。初元豐末嘗有物大如席夜見哲宗殿上而神宗崩元符末又見哲宗崩至大觀間漸畫見政和以來大作每得入語聲則出先若列屋摧倒之聲其形僅文餘彷彿如電金眼行所及腥血聲黑氣蒙之。不大了。氣之。所及腥血。四灑。兵刃皆不能施。又或變人形。亦或為驢。晝夜出無時。遇冬則罕見。多在掖庭。宮人所居之地。亦嘗及內殿。後習以為常。人亦不大怖。至是浸少。時洛陽府

方臘伏
誅

畿內忽有物如人或蹲踞如犬其色正黑。不辨眉目。始夜則掠小兒食。後雖白晝。入人家為患。所至喧然不安。謂之黑漢。有力者夜持槍自衛。亦有託以作過者。二年。○八月。加宦者童貫太師。封楚乃息云。○方臘伏誅。改睦州為嚴州。歙州為徽州。○九月。加王黼少傅。鄭居中少師。○詔宦者李彥括民田于京東西路。○冬十月。詔童貫復領陝西河東河西路宣撫使。○十一月。馮熙載罷。○以張邦昌為中書侍郎。王安中。李邦彥。

為尚書左右丞○余觀以**金**斜也侵遼中京○以孔端友襲封衍聖公

壬寅四年遼保大二年○金天輔六年○夏元德三年春正月

加蔡攸少保梁師成開府儀同三司

○**金**斜也陷遼中京及澤州**遼**主田于

鴛鴦灤六各反。又音鹿。音洛。陂澤也。余觀以**金**人襲

之**遼**主殺其子晉王教盧幹遂走雲中。

遺玉璽于桑乾河時余觀以婁室奄至。遼主憂甚。蕭奉先曰。

余觀欲來立甥晉王耳。不惜一子。明其罪而誅之。可不戰而自回矣。會耶律撒

八等復謀立晉王事覺遼主遣人縊之。或勸晉王亡。晉王曰。安忍為蕞爾之軀。

諸軍聞其死。無不流涕。由是人心解體。而失臣子之節。遂就死。遼主素服三日。

○初秦始皇得藍田玉。作傳國寶。六面。螭紐。其正面刻文曰。受命于天。既壽永

昌。魚鳥篆也。秦子嬰奉以降漢。至莽篡漢。平帝后投之殿階。螭角微玷。至獻帝

失之。孫堅得于井中。傳至孫權。以歸于魏。曹丕刻肩際曰。大魏受漢。傳國于

寶。傳晉。宋。齊。梁。陳。隋。唐。五代。至石晉亡。歸之遼。○二月**金**粘沒

喝敗**遼**奚王霞末于北安州。遂陷其城。

○三月**金**粘沒喝襲**遼**主行營**遼**主走

夾山。蕭奉先伏誅。○**遼**主逐其樞密使

遼耶律
淳稱帝

蕭得里底○帝臨太學○**遼**李處溫等以秦晉國王淳稱帝于燕京降封遼主為湘陰王奉表乞附于**金**金人不許○**遼**主淳改怨軍為常勝軍○**金**粘沒喝**陷遼**西京○以童貫為河北河東路宣撫使蔡攸為副使帥師巡北邊以應**金**朝廷既與金人約夾攻遼以復燕雲蔡京童貫主之鄭居中力陳不可謂京曰公為大臣國之元老不能守兩國盟約

童貫帥
師應金

輒造事端誠非廟筭京曰上厭歲幣五十萬故爾居中曰公獨不思漢世和戎用兵之費乎使百萬生靈肝腦塗地公實為之由是議寢及金數敗遼兵童貫復乞舉兵居中又言不宜幸災而動待其自斃可也時睦寇初平帝亦悔於用兵王黼獨言曰今不取燕雲女真即強中原故地將不復為我有帝遂決意治兵會聞耶律淳自立乃以貫為撫軍使

白溝敗績

蔡攸副之。勒兵十五萬以應金。○夏四月。置補校文籍局。○**金**使徒單吳甲來議師期。○**金**闍母婁室陷遼天德雲內寧邊東勝等州。獲阿疎以歸。**金**主杖而釋之。○**遼**西南面招討使耶律佛頂降于**金**。○**遼**主奔訛莎烈。○五月。童貫帥師伐**遼**。敗績于白溝。貫退保雄州。貶統制种師道為右衛將軍致仕。初貫至高陽關。用知雄州和詵計降黃榜及旗述。

師道諫
進兵被責

弔民伐罪之意。且云。若有豪傑能以燕京來獻者。即除節度使。遂命統制种師道盡護諸將分道進兵。師道諫曰。今日之舉。譬如盜入隣家。不能救。又乘之而分其室焉。無乃不可乎。貫不聽。分兵為兩道。師道總東路之兵趨白溝。辛興宗總西路之兵趨范村。耶律淳聞之。遣耶律大石蕭幹禦之。師道次白溝。遼人譟而前。師道前軍統制楊可世敗績。士卒

多傷。師道先令人持一巨槌自防。賴以不大敗。退師雄州。遼人追擊至城下。卒興宗亦敗于范村。帝聞兵敗而懼。詔班師。遼使來言曰。女真之叛本朝。亦南朝之所甚惡也。今射一時之利。棄百年之好。結豺狼之隣。啓他日之禍。謂為得計。可乎。救災恤隣。古今通義。惟大國圖之。貫不能對。師道請許之。和貫不納。而密劾師道助賊。王黼怒。責授師道右衛將

軍。○嗣濮王仲御卒。以其弟仲爰嗣。

六月。遼主淳死。蕭幹等尊淳妻蕭氏為

太后。主國事。遙立秦王定為帝。○遼李

處溫伏誅。處溫嘗遺易州富民趙履仁書。達宋將童貫。欲為內應。挾

蕭后納土歸宋。后有執處溫問之。處溫曰。臣父子於宣宗有定策功。宜世蒙宥。容可使因讒獲罪。后曰。誤秦晉國王者。皆汝父子。向使秦晉國王如周公。則終享親賢之名。于後世。汝何功之有。并數其前罪。處溫無以對。遂賜死。

夏。人救遼金。幹魯龍襲敗之于宜水。○

秋。七月。詔童貫伐遼。以劉延慶為河北

宋昭諫
伐遼被
竄

河東宣撫都統制

代種師道也

○八月金主

旻襲遼主于石輦鐸遼主敗走○九月

朝散郎宋昭上書諫伐遼詔編管于海

州昭上書極言遼不可攻金不可隣異

時金必敗盟為中國患乞誅王黼童貫

趙良嗣等且曰兩國之誓敗盟者禍及

九族陛下以孝理天下其忍忘列聖之

靈乎陛下以仁覆天下其忍置河北之

民於塗炭之中而使肝腦塗地乎王黼

高麗諫
伐遼

大惡之○金使徒孤且烏歇來

金人恐宋徑取

燕而歲幣不可得故來請師期○高麗王侯卒子楷立

先是侯求醫於朝詔二醫往留二年而

還楷語之曰聞朝廷將用兵于遼遼兄

弟之國存之足為邊扞女直虎狼耳不

可交也業已然願二醫歸報天子宜早

為備醫還奏之然已無及矣○趙良嗣

如金報云不負初約○遼涿州留守郭藥師以

城來降○遼易州守將高鳳以城來降

○冬十月改遼燕京為燕山府西京為

雲中府燕涿檀平易管順薊景為山前

奉聖歸化儒媽并雲○童貫使劉延慶

及郭藥師帥師伐遼藥師敗績于燕山

延慶退保雄州延慶等至良鄉遼蕭幹

敗次于涿州藥師曰幹兵悉力拒我燕

山必虛願得奇兵五千襲之城可得也

請公之子光世為後繼延慶許之藥

師既入燕而蕭后密報蕭幹幹領精兵

三千還燕巷戰光世渝約不至藥師敗

走僅以身免幹分兵斷延慶餉道擒護

糧將王淵得漢軍二萬人留帳中夜半偽

相謂曰聞漢軍十萬壓吾境吾師三倍

績 伐遼敗

敵之有餘當分左右翼以精兵衝其中

乃陰逸一人歸報宋師聞之以為信然

明旦延慶見火起以為敵至即燒營而

遁士卒蹂踐死者百餘里幹因縱兵追

至涿水而去自熙豐以來儲蓄軍實殆

無能為作賦及歌詩以誚之○以蔡

攸為少傅判燕山府○十一月金使李

靖來言燕地十二月趙良嗣如金求營

平灤三州初朝廷與金約但求石晉賂

契丹故地而不思平營灤三州非晉賂

乃劉仁恭所獻以求援者王黼欲併得

金主陷
燕京

之**金**主不肯。及趙良嗣往**金**主使蒲家
奴責良嗣以出兵失期。且云今更不論
元約。特與燕京六州。謂薊景檀順涿易
也。良嗣言元約山前山後十七州。今乃
如此。信義安在。抗辯數四**金**主不從。○
郭藥師及**遼**蕭幹戰于永清。敗之。詔加
藥師武泰軍節度使。○**金**主旻陷**遼**燕
京**遼**主淳妻蕭氏出奔天德。時童貫再
舉伐燕。不克成功。懼得罪。乃密遣王瓌

如**金**以求如約夾攻**金**主遂分三道進
兵。幹不率兵七千先之。迪古出得勝
口。銀朮可出居庸關。婁室為左翼。婆盧
火為右翼。趣居庸關。粘沒喝趣南暗口。
撻懶趣北口。**遼**德妃蕭氏五上表于**金**
求立秦王定**金**主不許。**金**師至居庸關。
厓石自崩。戍卒多壓死。不戰而潰。**金**主
至燕京。高六遼統軍也等開門待之。遼宰相
左企弓等奉表降。百官詣**金**主營請罪

萬歲山成

金主並釋之。蕭妃與蕭幹趨天德。於是

五京皆為金有**金**主遣騎兵送趙良嗣

還。且獻遼俘○**遼**主奔四部族○萬歲

山成。更名良嶽。山周十餘里。其最高一

分。東南二嶺。直接南山。山之東有萼綠

華堂。書館。八仙館。紫石巖。棲真。嶺。覽秀

軒。龍吟堂。其山之南西北。臺館稱是。窮

極。巧妙。其後群閣興築不已。於是山林

巖壑。日益高深。亭臺樓觀。不可稱紀。四

方。花竹。奇石。咸萃於斯。珠禽異獸。無不

畢有。戶部獻今年民數。時天下分為二

府。三州。二百五十四戶。二千八百八十三。縣一

千二百五十八口。四千六百七十三。萬四

千七百八十四戶。口視西漢盛時。益有

加焉。隋唐疆理雖廣。而戶口皆不及可謂盛矣。

癸卯五年。遼保大三年。○金天輔七年

德○夏元春正月。遼奚回鹘保自立為奚

帝○**金**使李靖來。趙良嗣如**金**○以王

安中知燕山府。詹度郭藥師同知府事。詔藥師入朝。禮遇甚厚。賜以甲第姬妾。張水嬉於金明池。使觀之。命貴戚大臣更互設宴。又召對於後苑。延春殿。藥師

師禮遇藥

盛民數大

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

千二百三十三戶。二千八百八十三。縣一

拜庭下。泣言臣在虜中。聞趙皇如在天上。不謂今日得望龍顏。帝深褒稱之。委以守燕。藥師對曰。願效死。帝解所御珠袍及二金盆以賜。藥師出。諭其下曰。此非吾功。汝輩力也。即翦盆分給之。○**金**
以遼平州為南京。命張穀留守。遼平州人。張穀。
為張興軍節度使。遼主之走山西也。平州軍亂。殺其節度使蕭諦里。穀撫定亂者。州民推穀領州事。穀知遼必亡。乃籍丁壯五萬人。馬千匹。練兵為備。金粘沒喝欲先下平州。擒穀。康公弼曰。若加兵是趣之叛也。公弼請往覘之。遂見穀。穀

日。契丹八路今獨平州二路存。敢有異志。所以未解甲者。防蕭幹耳。厚賂公弼。公弼還曰。彼無足慮也。○**遼**興中歸德府宜錦乾顯

成川豪懿來濕遷潤等州皆降于○**金**

二月。以李邦彥趙野為尚書左右丞○

遼主追廢故秦晉國王淳為庶人。殺淳

妻蕭氏。蕭德妃見遼主于四部族。○**三**

月○**金**使銀朮可來。盧益如○**金**先是趙良

嗣至燕。議燕京西京之地○**金**主曰。若宋

必欲平灤等州。則併燕京不與汝家矣。

議燕京
西京地

因以答書先示良嗣。良嗣讀至燕京用本朝兵力攻下。其租稅當輸本朝。良嗣因曰。租稅隨地。豈有與其地而不與其租稅者。粘沒喝曰。燕京自我得之。則當歸我大國。熟計若不早見與。速追涿易之師。無留我疆。於是遣李靖等與良嗣偕來。靖既入對。遂見王黼。黼謂靖曰。租稅非約也。上意以交好之故。欲以銀絹充之。靖復請去年歲幣。帝亦特許之。遂

金人索
要無已

命良嗣與靖至燕。謂金主曰。本朝徇大國多矣。豈平灤一事不能相從耶。金主曰。平灤欲作邊鎮。不可得也。遂議租稅。金主曰。燕租六百萬。止取一百萬。不然還我涿易舊疆。我且提兵按邊。良嗣曰。本朝自以兵下涿易。今乃云爾。豈無曲直邪。乃令良嗣歸報。且曰。過半月不至。吾提兵往矣。時左企弓嘗以詩獻金主。曰。君王莫聽捐燕議。一寸山河一寸金。

故**金**人欲背初約。要求不已。良嗣還至雄州。以金書通奏。王黼欲功之速成。乃請復遣良嗣自雄州再往。使許遼人舊歲幣四十萬之外。每歲更加燕京代稅錢一百萬緡。及議畫疆。與遣使賀正。旦生辰。置榷場交易。**金**主大喜。遂使銀朮可等持誓書來。許以燕京及六州來歸。而山後諸州。及西北一帶。接連山川。不在許與之限。帝曲意從之。遂遣盧益報

金人歸
燕京六
州

之。○夏四月。**金**人來歸燕京。及涿易檀順景薊之地。童貫蔡攸入燕。曲赦河北河東燕雲路。遂班師。時燕之**金**帛子女職官富民。皆為**金**人所掠而東。唯存空城而已。粘沒喝猶欲止割涿易。**金**主曰。海上之盟。不可忘也。我死。汝則為之。○**金**斡魯及斡离不襲**遼**。主營于青塚。獲秦王定。及族屬從臣。以歸。**遼**主與戰于白水灤。遼師敗績。趙王習泥烈復為**金**

楊時為
邇英殿
說書

人所獲遼主走雲內。乞附于金。金人不許。○五月。以楊時為邇英殿說書。時入對。言于帝曰。熙寧之初。大臣文六藝之言。以行其私。祖宗之法。紛更殆盡。元祐繼之。盡復祖宗之舊。熙寧之法。一切廢革。至紹聖崇寧。抑又甚焉。凡元祐之政事。著在令甲。皆焚之以滅其迹。自是分為二黨。縉紳之禍。至今未殄。臣願明詔有司。條具祖宗之法。著為綱目。有宜于

今者舉而行之。當損益者損益之。元祐熙豐。姑置勿問。一趨於中而已。又言燕雲之師。宜退守內地。以省轉輸之勞。募邊民為弓弩手。以殺常勝軍之勢。又乞為宣和會計錄。以周知天下財出入之數。帝首肯之。○以收復燕雲。加王黼太傅。封楚國公。鄭居中太保。蔡攸少師。封英國公。進封童貫。徐豫國公。以趙良嗣為延康殿學士。居中辭不拜。王黼竭天

北征。僅得七空城。至是率百官表賀。詔以復燕雲。宰執皆進位。居中自陳無功。

拜不 ○ 詔王黼總治三省事 ○ 遼主奔夏

蕭特烈等以梁王雅里走西北部立為

帝 雅里遼主 ○ 遼奚回離保為其下所

殺 ○ 六月 **金** 張穀以平州來歸。初 **金** 人

以燕地與宋。以 **遼** 宰相左企弓為中書

令。虞仲文曹義勇為樞密使。康公弼簽

中書省事。同燕京大家富民俱東徙。燕

民流離道路。不勝其苦。過平州言於張

張穀以平州來歸

穀曰。左企弓不謀守燕。使吾民流離。無

所安集。公今臨巨鎮。握強兵。盡忠於遼。

必能使我復歸鄉土。人心亦惟公是望。

穀遂召諸將議。皆曰。聞天祚兵勢復振。

出沒漠南。公若使 **金** 王奉迎天祚以

圖中興。先責左企弓等叛降之罪而誅

之。盡歸燕民。使復其業。而以平州歸宋。

則宋無不接納。而平州遂為藩鎮矣。後

日金人加兵。內用平州之軍。外得宋為

北征。僅得七空城。至是率百官表賀。詔以復燕。雲宰執皆進位。居中自陳無功。

拜不 ○ 詔王黼總治三省事 ○ 遼主奔夏

蕭特烈等以梁王雅里走西北部立為

帝 雅里遼主 ○ 遼奚回離保為其下所

殺 ○ 六月 金 張穀以平州來歸 初金人

以燕地與宋以 遼 宰相左企弓為中書

令虞仲文曹義勇為樞密使康公弼簽

中書省事同燕京大家富民俱東徙燕

民流離道路不勝其苦過平州言於張

張穀以平州來歸

穀曰左企弓不謀守燕使吾民流離無

所安集公今臨巨鎮握強兵盡忠於遼

必能使我復歸鄉土人心亦惟公是望

穀遂召諸將議皆曰聞天祚兵勢復振

出沒漠南公若仗義勤王奉迎天祚以

圖中興先責左企弓等叛降之罪而誅

之盡歸燕民使復其業而以平州歸宋

則宋無不接納而平州遂為藩鎮矣後

日金人加兵內用平州之軍外得宋為

鼓誅左
企弓等

之援。又何懼焉。鼓曰。此大事也。不可草

草。翰林學士李石智而多謀。可召與議。

石至。其言與之合。鼓乃召左企弓等。數以

十罪。其詞曰。天祚播遷。夾山。不即奉迎。一也。勸秦晉國王。僭號。二也。詆訐。

君父。降封湘陰。三也。天祚遣知閣王慶。來議事。而殺之。四也。檄書始至。有迎秦。

拒湘之議。五也。不謀守燕。而降。六也。不顧大義。臣事于金。七也。根括燕財。取悅。

于金。八也。使燕人遷徙失業。九也。教金人發兵。先下平州。十也。企弓等

無以對。皆縊殺之。仍稱保大三年。畫天

祚像。朝夕謁事。必告焉。燕民既得歸。大

悅。李石更名安弼。偕高黨至燕山。說王

安中曰。平州形勝之地。張鼓總練之才。

足以禦金人。安燕境。安中深納之。令安

弼與黨至汴。以聞。王黼勸帝納之。趙良

嗣諫曰。國家新與金盟。如此。必失其歡。

後。不可悔。不聽。良嗣坐削五階。而詔安

中及詹度。厚加安撫。與免三年常賦。鼓

聞之。自謂得計。嗣濮王仲爰卒。以其

弟仲理嗣。鄭居中卒。以蔡攸領樞

穀誅左
企弓等

之援。又何懼焉。穀曰：此大事也。不可草

草。翰林學士李石智而多謀。可召與議。

石至。其言與之合。穀乃召左企弓等數以

十罪。其詞曰：天祚播遷夾山。不即奉迎。

一也。勸秦晉國王僭號。二也。詆訐

君父。降封湘陰。三也。天祚遣知閣王慶

來議事而殺之。四也。檄書始至。有迎秦

拒相之議。五也。不謀守燕而降。六也。不

顧大義。臣事于

也。教金人也。使燕

于金。八也。使燕

也。教金人發兵。

平州。十也。

無以對。皆縊殺之。仍稱保大三年。畫天

祚像。朝夕謁事。必告焉。燕民既得歸。大

悅。李石更名安弼。偕高黨至燕山。說王

安中曰：平州形勝之地。張穀總練之才。

足以禦金人。安燕境。安中深納之。令安

弼與黨至汴。以聞。王黼勸帝納之。趙良

嗣諫曰：國家新與金盟。如此。必失其歡。後不可悔。不聽。良嗣坐削五階。而詔安中及詹度厚加安撫。與免三年常賦。穀聞之。自謂得計。嗣濮王仲爰卒。以其弟仲理嗣。鄭居中卒。以蔡攸領樞

金本宗

續通志

卷十

禁元祐
學術

密院○秋七月童貫致仕○以譚稹為

河北河東燕山府路宣撫使○禁元祐

學術○八月辛巳朔日有食之○遼蕭

幹復景薊州遂伐燕京及郭藥師戰于

峰山幹敗走為其下所殺傳首京師詔

加藥師太尉○金主旻卒弟諱班勃極

烈吳乞買立更名晟改元天會旻年五十六

史臣贊曰太祖英謨歷略豁達大度

知人善任人樂為用雖不克滅遼以

金太宗
立

遺後人然其規摹皆其創始數年之

間筭無遺策兵無留行底定大業傳

之子孫嗚呼雄哉

冬十月遼主復渡河東居于突呂不部

遼主雅里死蕭特烈等復立耶律朮

烈為帝○張穀敗金闍母于免耳山詔

加穀泰寧軍節度使○十一月幸王黼

第觀芝○貶轉運使乏上供錢者二十

二人○金幹離不襲平州張穀奔燕山

張穀敗
金人

詔殺張
穀以與
金人

守將張忠嗣張敦固以城降**金**使入城。敦固殺之。○詔王安中殺張穀以界**金**人。先是幹離不遣人以納叛來責。王安中諱之。**金**人索之益急。安中取其類穀者斬其首與之。金曰非穀也。遂欲以兵攻燕。詔安中以穀與金。安中不得已。縊穀殺之。函其首併穀二子與之。於是燕降將及常勝軍士皆泣下。郭藥師曰。金人欲穀即與。若求藥師亦將與之矣。安

中奏其言且力求罷。自是降將卒皆解體矣。○**遼**主木烈及蕭特烈為亂兵所殺。○

金人來歸武朔州時以山後諸州請于**金**

金主新立將許之粘沒喝自雲中至力請

勿與之遂以武朔二州歸。○**金**幹離不遣

使如夏。言若遼主至彼可令執送且許割地蓋欲沮其援遼之心。○

十二月**金**使高居慶來。賀正○召王安

中為上清寶籙宮使以蔡靖知燕山府

事。○**金**主以其弟斜也為諳班勃極烈

○**金**使李靖來告哀也

甲辰六年遼保大四年○金天會二年○夏元德五年春正

月。置書藝所○**金**連南夫如也吊祭○**遼**

主居于都統耶律馬哥營**金**人襲之**遼**

主奔烏敵烈部○**夏**主遣使稱藩于**金**

金以邊地畀之○二月以令盪為安定

郡王秦王德芳四世孫○帝耕籍田○李邦彥

以父喪去位○**遼**耶律大石自立為王

率衆西走○三月**金**人來索糧不與所索

金主索糧不與

許二十萬石譚稹曰二十萬石豈易致耶。宣撫司未嘗有許糧之文。其使曰趙良嗣許之矣。積曰良嗣口許。豈足憑也。金人由是大怒。○皇后親

蠶○閏月**金**使王阿海如**夏**賜以誓詔自是兩國

信使不絕○夏四月起復李邦彥為尚書左

丞○五月**金**使高木高興輔來致遺物告即位

○六月**金**闍母克平州殺張敦固○秋

七月許亢宗如**金**賀即位○置璣衡所○

遼主復取天德東勝寧邊雲內等州至

武川遇**金**人戰于奄遏下水而潰遂走

山陰。居于余都谷。○八月。譚稹罷。以童貫領樞密院。為河北河東燕山府路宣撫使。○赦燕以復雲。○九月。以白時中為特進太宰。李邦彥為少宰。趙野字文粹中。為尚書左右丞。蔡懋同知樞密院事。○更名良嶽為壽嶽。○**金**使烏瓜乃來賀辰。○冬十月。詔毀蘇洵。蘇軾。蘇轍。黃庭堅文集。犯者以大。○**遼**主以突呂不部人訛哥為本部節度使。○十一月。王黼

王黼有罪致仕

有罪詔令致仕

黼位元宰。每陪曲宴。親為俳優鄙賤之役。以獻

笑取悅。太子聞而惡之。黼以鄆王楷有寵。陰為畫奪宗之計。未成。帝臨黼第。見其與梁師成連牆。穿便門往來。帝始悟其交結狀。還宮。眷待頓衰。中丞

何臬

與栗同

論黼姦邪專橫十五年。遂詔

黼致仕。其黨胡松年等皆免。○詔蔡攸

講議財利于尚書省。罷應奉司。○十二

月。詔百官遵行元豐法制。○復詔蔡京

落致仕。領三省事。○河北山東盜起。○

金使高居慶來

賀正旦也

遼亡

乙巳七年

遼保大五年。○金天會三年。德宗耶律大石延慶。

元年。○是歲遼亡。

春正月。遼主如党項。

二月。至應州城東。金婁室獲之。以歸。党項。

小斛。過沙。遣人請遼主。臨其地。遼主遂趨。天德。過珠。帽却之。乘張仁貴馬。得脫。至。近侍。進雪。無禦寒具。護衛太保蕭木里。者。以貂裘。帽進。途次。絕糧。木里者。進。與。棗。遼主欲。憇。木里者。即跪。坐。倚。之。假。寐。木里者。輩。惟。齒。水。雪。以。濟。饑。過。天。德。至。夜。將。宿。民。家。給。曰。偵。騎。其。家。知。之。乃。叩。首。跪。而。大。慟。潛。宿。其。家。居。數。日。嘉。祿。忠。遙。授。以。節。度。使。使。遂。趨。党。項。以。小。斛。祿。州。為。新。城。東。六。十。里。為。金。將。婁。室。等。所。獲。

遼亡

史臣曰 遼起朔野。兵甲之盛。鼓行窾

空。苦管反。外。席卷河朔。樹晉楨漢。何其

壯歟。太祖太宗。乘百戰之勢。輯新造

之邦。英謀。叡略。可謂遠矣。雖以世宗

中才。穆宗殘暴。連遘弒逆。而神器不

搖。蓋由祖宗威令。猶足以震疊其國

人也。聖宗以來。內修政治。外拓疆宇。

既而申固鄰好。四境乂安。降臻天祚。

西遼建國

既丁未運。又缺人望。崇信姦回。自極國本。群下離心。金兵一集。內難先作。廢立之謀。叛亡之迹。相繼逢起。馴致土崩瓦解。不可復支。良可哀也。

右遼九主。共一百五十年。

○雨木冰 ○歸粟于金 ○遼耶律大石

稱帝于起兒漫 ○夏四月。保和殿大學

士兼侍讀蔡條有罪免。詔蔡京復致仕。

蔡條鍾愛于京。擅權用事。其兄攸嫉之。數請殺條。帝不許。白時中等與攸發條。

姦私事。 ○復行元豐官制 ○六月。封宦

者童貫為廣陽郡王 ○加蔡攸太保 ○

秋。八月。金主晟降封故遼主延禧為海

濱王 ○九月。金使李孝和來 ○有狐升

有狐升御榻坐

御榻而坐。時又有都城東門外鬻菜夫。

至宣德門下。忽若迷罔。釋荷擔向門戟

手且詈云。太祖皇帝。神宗皇帝。使我来

道。尚宜速改也。邏卒捕之。下開封獄。一

夕方省。則不知向者所為。乃於獄中盡

道南侵

之先是都城有賣青果男子孕而去誕子
有酒肆朱氏子其妻忽生鬚其人可四
十餘鬚長僅六七寸疎秀甚美宛然
一男子特詔○冬十月**金**斜也等分道
度為女道士○**南侵**以諸班勃極烈斜也領都元帥粘
監軍耶律懶為六部路都統閻母為雲中
趨太原統劉彥宗兩軍戰事置樞密院於平
京路都統劉彥宗兩軍戰事置樞密院於平
監關母彥宗兩軍戰事置樞密院於平
州以劉彥宗知院事置樞密院於平
院於雲中以時立愛知院事○十一月

貫次于太原使馬擴如**金**十二月**金**粘
以种師道為河東河北路制置使○童
没喝使王介儒至太原童貫逃歸粘没
喝遂圍太原知府張孝純禦之先是**金**
人遣使來許割雲中諸州帝信之遣童
貫往受地至太原聞粘没喝自雲中南
下貫乃使馬擴辛興宗往使諭以交割
蔚應州及飛狐靈丘縣擴至軍前粘没
喝嚴兵以待趣擴等庭參如見金主之
禮既畢首議山後事粘没喝曰先帝與
宋人交好各立誓書萬世無毀不謂宋

貫次于太原使馬擴如**金**十二月**金**粘
以种師道為河東河北路制置使○童
没喝使王介儒至太原童貫逃歸粘没
喝遂圍太原知府張孝純禦之先是**金**
人遣使來許割雲中諸州帝信之遣童
貫往受地至太原聞粘没喝自雲中南
下貫乃使馬擴辛興宗往使諭以交割
蔚應州及飛狐靈丘縣擴至軍前粘没
喝嚴兵以待趣擴等庭參如見金主之
禮既畢首議山後事粘没喝曰先帝與
宋人交好各立誓書萬世無毀不謂宋

違約。陰納張毅。收燕京。逃去官民。本朝
屢牒追還。第以虛文見給。今當略辯。是
非。擴曰。本朝緣譚稹昧大計。輕從張毅
之請。上深悔之。願相國存舊好。乞且交
蔚應等地。粘沒喝笑曰。爾尚欲此耶。山
前山後皆我地。尚復何論。汝家可別削
數城來。可贖罪也。汝即去。我自遣人如
宣撫司矣。擴還。且言請宜速作備禦。貫
不從。既而王介儒撒離朮持書至太原。

責以渝盟納叛等事。今已興兵。辭語甚
倨。貫問之曰。如此大事。何不素告我。撒
離朮曰。兵已興。何告為。相國軍自河東
入。太子軍自燕京入。不戮一人。止傳檄
而定耳。馬擴曰。兵凶器。天道厭之。貴朝
滅契丹。亦籍本朝之力。今一旦渝盟。豈
不顧南朝積累之國。若稍飭邊備。安能
遽侵。撒離朮曰。國家若以貴朝為可憚。
則不長驅矣。莫若勸童大王。速割河東。

張孝純
止貫

河北以大河為界。用存宋朝宗社。乃報國也。貫聞之。驚懣不知所為。即與所屬以赴闕。稟議為名。欲還京師。知太原府張孝純止之曰。金人渝盟。大王當會諸路將士。極力支吾。今大王去。人心必搖。是以河東與金也。河東既失。河北豈可保耶。願少留。共圖報國。兼太原地險城堅。人亦習戰。未必金便能克也。貫曰。貫受命宣撫。非守土也。必欲留貫。置帥臣

郭藥師
叛

何為。遂行。孝純嘆曰。平生童太師作幾許威望。及臨事。乃蓄縮畏懼。奉頭鼠竄。何面目見天子乎。粘沒喝既入朔代州中山府。遂圍太原。孝純悉力固守。○金幹離不入檀薊州。郭藥師迎戰于白河。敗績。遂還燕山。執知府蔡靖以降。金盡取燕山州縣。時藥師專制一路。增募兵至三十萬。而不改契丹服飾。朝論頗以為疑。進拜太尉。召之入朝。藥師辭不至。帝令童貫行邊。陰察其去就。貫歸為帝言。藥師必能仇虜。蔡攸力主之。謂其可倚。故內地不復防制。屢有

綱 罷花石

告變。及得其通金國書。朝廷輒不省。詹度亦言。藥師瞻視非常。趨向懷異。始詔遣官究實。而金兵已南下矣。至是果叛。幹離不既得藥師。益知宋虛實。因以為鄉導。懸軍深入矣。○罷浙江諸路花石綱。延福宮西城租課。及內外製造局。○詔內侍梁方平帥衛士守黎陽。○以皇太子為開封牧。時帝以金師日迫為憂。議避兵之計。蔡攸探知帝意。欲內禪。引給事中吳敏入對。宰執皆在。敏前奏事。且曰。金人渝盟。舉兵犯順。陛下何以待之。帝蹙

詔天下勤王

然曰。柰何時。東幸計已定。命李梈音批先出守金陵。敏退。詣都堂言曰。朝廷便為棄京師計。何理也。此命果行。須死不奉詔。宰執以為言。梈遂罷行。○詔臣庶極諫。天下勤王。罷道官。及大晟府。行幸諸局。初。宇文虛中為童貫參議官。虛中以廟謨失策。主帥非人。將有納侮自焚之禍。上書言之。王黼大怒。遂不見報。及金人南下。貫與虛中還朝。帝以虛中為保

罪已下
詔

和殿大學士。至是金兵日逼。帝甚憂懼。謂虛中曰。王黼不用卿言。今金人兩路並進。事勢若此。柰何。虛中對曰。今日宜先降詔罪已。更革弊端。俾人心悅。天意回。則備禦之事。將帥可以任之。帝即命

虛中草詔

詔曰。朕獲承祖宗二紀。于茲。雖

兢業存於中心。而過谷形于天下。蓋以寡昧之質。藉盈成之業。言路壅蔽。導諛日聞。恩倖持權。貪饕得志。指紳賢能。陷于黨。藉政事興廢。拘于紀年。賦斂竭生民之財。戍役困軍旅之力。多作無益。侈靡成風。利源酷推。已盡。而牟利者尚肆

李綱請
傳位太子

誅求。諸軍衣糧不時。而冗食者坐享富貴。災異譎見。而朕不寤。庶衆怨懟。而朕不知。追惟已愆。悔之何及。應天下方鎮。郡縣守令。各帥募衆勤王。捍邊。能立奇功者。並優加獎異。不限常制。草澤之中。懷抱異材。能為國家建大計。定大業。或出使疆外者。並不次任用。其尤異者。以將相待之。中外臣庶。並許直言。極諫。雖有失當。亦不加罪。

帝覽之曰。今日不吝改過。可

便施行。○以宇文虛中為河北河東路

宣諭使。○以吳敏為門下侍郎。時東幸

之意益決。太常少卿李綱謂敏曰。建牧

之議。豈非欲委太子以留守之任乎。今

敵勢猖獗。非傳太子以位號。不足以招徠天下豪傑。敏曰。監國可乎。綱曰。肅宗靈武之事。不足以復邦。而建號之議。不出於明皇。後世惜之。上聰明仁恕。公曷不為上言。使公言萬一得行。將見金人悔禍。宗社底寧。翌日敏入對。具以綱言白帝。帝即召綱入議。綱刺臂血上疏。請假皇太子位號。使為陛下守宗社。收將士心。以死捍敵。天下可保。帝意遂決。○帝傳

皇太子
立

位于皇太子。太子即位。尊帝為教主。道君太上皇帝。皇后為太上皇后。居龍德宮。

新安胡氏桂一曰。道教之盛。則始於徐

知常。天神之降。則發端於王老志。而極於林靈素。馬。以堂堂帝王之尊。加以道君之號。其崇道教。何以異於梁武之佞佛哉。效驗之速。居然可見矣。夫小人道長。則宦寺當權。開邊生事。

而盜賊夷狄之禍亦以次而起。必然之勢也。

以李綱為兵部侍郎。綱上書言方今中國勢弱。君子道消。法度紀綱蕩然無統。陛下履位之初。當上應天心。下順人欲。攘除外患。使中國之勢尊。誅鋤內姦。使君子之道長。以副道君皇帝付託之意。時**金**議割地。綱言祖宗疆土當以死守。不可以尺寸與人。○赦○立妃朱氏為

皇后

后。武康節度使伯材之女。

○以耿南仲簽書樞

密院事

帝東宮舊僚也。

○以張選為西京團練

使

選。橫渠張載之四世孫。世居京兆之郿縣。高宗即位。選以扈從南幸。節鎮

江西。遂徙居建昌之南城也。

○李鄴如

金師告內禪且請修

好。幹。不。欲還。

○太學生陳東伏闕上書。請誅

蔡京。王黼。童貫。梁師成。李彥。朱勔。以謝

天下。時天下皆知京等誤國。而用事者

多受其薦引。莫肯為帝明言之。東率諸

生上書曰。今日之事。蔡京壞亂於前。梁

陳東上書誅六賊

師成陰賊於內。李彥結怨於西北。朱勔聚怨於東南。王黼童貫又從而結怨于遼。金敗祖宗之盟。失中國之信。創開邊隙。使天下勢危如絲髮。此六賊者。異名而同罪。伏願陛下擒此六賊。肆諸市朝。傳首四方。以謝天下。帝嘉納之。

資治通鑑節要續編卷之十

